






Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2836/A







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2836/A







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2836/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2836/A










2836/ A N. xxiv. b  
GIOVIO


cf. la p. 114 m. la  
de la carte de l'Amérique  
au feuillet C<sub>3</sub>

Inconnu à Harrold

Bernard III 582







47919

# PAVLI

IOVII NOVOCOMENSIS

Medici de Romanis Piscibus

Libellus, doctus, copio-  
sus & elegans, iam  
recens æditus.


Antuerpiæ per Ioannem Grapheum

Anno. M. D. XXVIII.

Mense Augusto.

Cum Priuilegio Cæsareo,  
ad Triennium.

*scripsit etiam de piscibus paraff. Franciscus  
massarius ex massariis Venetis, ut ait  
prosper caleniensis in libello suo de sanit. fuentis*





PAVLI IOVII NOVOCO

mensis Medici, de romanis piscibus

Libellus, ad Ludouicum Bor-

bonium Cardinalem

amplissimum.

**S**Vades Reuerendissime ac Illustrissime Domi-  
ne, qui etiam iure optimo cōpellere potes, ut ea  
literis tradam, quæ de Romanis piscibus eru-  
dite atq; subtiliter fuere disputata, quum te & Io-  
annē Lotharingum præclarissimi ingenii Cardi-  
nalē Clemens Pontifex familiari conuiuio, ueluti  
animū remissurus, hylariter excepisset. Res est co-  
gnitu, tractatūq; difficilis, cū propter infinitā ferē  
naturæ pisciū uarietate, quæ me & plerosq; alios  
admodū curiosos hætenus irritō labore fatigauit,  
tū propter incredibilē scriptorū discrepantiam, q  
ex multiplici linguarū uarietate perpetuas huius-  
modi studiis tenebras offuderunt. Quibus de causis  
neceße est, ut animus rei difficultate p̄motus totū  
hoc munus, quod maioribus doctrinæ, exactiorisq;  
iudicii neruis esset extendendū, haud mediocriter  
reformidet. Sed ea est dignitas, amplitudoq; tua et  
morū suauitas cū singulari optimarū literarū cu-  
piditate coniuncta, ut honoris mei uel gloriolæ, si  
qua ingenuis studiis parta est, iacturam planè fa-  
cere, q̄ honestissimo desyderio tuo penitus deesse  
malim. Verū tu postea iudicaueris, an ego q̄ rē tam  
a 2      difficilis



difficilis argumenti & maiorem omnino ingenij  
facultatem postulantis suscepi, impudentiae culpa  
uacauerim, quoniam eius nominis ueniam iam deprecor,  
ut officiosus & phumanus appaream. Proinde hunc  
libellum ab acrioribus censoribus minus seuerè iudi-  
cari uelim, quando eum festiua quadam hilaritate  
ueluti ludibundus, dum multi per haec Saturnalia, aliae  
ceterisque uoluptatibus uacarent, antiquis meis earum  
rerum obseruationibus memoria repetitis, excogi-  
tauerim, & aliqua ex parte perfecero. Eritque hic  
male feriati hominis ingenuus labor, fortasse prae-  
dium iusti, absolutique operis, si qui literis ac indu-  
stria pollent, proposita oculis, & à me quasi per tran-  
sennam commonstrata, accuratius contemplari, ac  
uberius interpretationibus illustrare uoluerit.  
Ego certe hoc munere, & tibi in primis, et illis gra-  
tum fecisse uidebor, animusque etiam meus tanquam amoe-  
niore diuerticulo recreatus ad institutas absolu-  
endae historiae lucubrationes & firmior & alacrior  
reuertetur. Exhibet enim in publicum propediè huius-  
modi laboriosissimi operis prima Decas non sine alio  
qua spe immortalitatis, & tum quidem multo auctior  
& ornatior. si eam tibi et Francisco Regi tuo, quae  
liberalibus studiis delectari audiui, aliquando  
placuisse cognouero. Vale. Ex Vaticano. IIII.  
Calendas Aprilis. M. D. XXIII.



## LIBELLI DE PISCIBVS

### Caput primum.

**S**ingulorum Piscium nomina, naturamq; indagare, sicuti infiniti prope laboris est, & doctrinae haud mediocris, ita praesentis non erit instituti, quum Graeci auctores qui naturae rerum abdita diligentissime perscrutati sunt, suaq; nomina singulis rebus indiderunt, de toto aquatilium genere uariis uoluminibus abunde conscripserint. Neq; ipsum Plinium ciuem meum penitus imitabor, qui ut Graecorum inuenta Romanis literis exprimeret, tota natura ubiq; mirifice representata, non modo conclusi maris, ac fluminum pisces, uerum etiam ipsas beluas toto oceano fugientes persecutus est. Itaq; nostrorum litorum finibus non abscedam, atq; in tantum Pisces, e quibus Romae generosa parantur obsonia, e Tyrrheno mari, fluuiis, ac lacubus Italiae citabuntur. Neq; mirum curiosis esse debuerit, si quae ueteres prodidere, nostra tempestatis piscationi, omni ex parte, minime consenserint: Nam, et si easdem semper animantium species perpetuo naturae ordine terra mariq; fuisse, nequaquam sit dubitandum, multa tamen uariis de causis uariata, atq; immutata uidentur. Insani siquidem principes quibus

a 3 opes



# C A P V T

opes ludibrio erant, sicuti hominum, ita & piscum  
colonias aliquando deduxere, ut luxuria in prom-  
ptu haberet, quæ paulo ante frustra concupisset, &  
nouos inde incolas ipsa litora mirarentur. Scarum  
enim illum prænobilem in Græcia piscem, quē En-  
nius poëta, ob excellentiam, Iouis cerebrum uoci-  
tabat, Optatus Tiberij Cæsaris libertus, ut ante eū  
Lucullus cerasum, Campanis litoribus importauit,  
cuius sobolem uel penitus interiisse, uel, ut credi par  
est, longo patrij maris desiderio abductum, in Græ-  
ciam remeasse putamus. Acipenser quoq; ille Re-  
gum mensis usurpatus, & conuersa in caput squam-  
marum serie insignis, eadem ratione, quod fortasse  
fuerit inquilinus, hac ætate proculdubio euauit.  
Peregrinantur enim sua sponte pisces, sæpiusq; na-  
talibus locis demigrant, tædioq; litorum, uel ab im-  
mata lasciuiâ, ad quærendas nouas sedes per im-  
mensa pelagi spacia deferuntur. Nouos etiam pi-  
sces retibus exceptos piscatores admirati sunt, quos  
de extremis maris recessibus, imisq; profundis gurg-  
itibus prouenire, uel per Gaditanas fauces in ma-  
re nostrum à uastissimo oceano irrumpere creden-  
dum est, sicuti etiam certis annorum curriculis inu-  
sitati generis aues è diuersa terrarum regione in  
Italiam aduolasse traduntur. Multa quoq; piscato-  
ric artis instrumenta defecere, quū eius præcepta  
aut



PRIMUM.

aut per manus tradi, aut literarum memoriae, intercidentibus ueterum libris, demandari nequiverint, & contra, nouae fraudes, aliaeque insidiae à recentioribus sint excogitatae, quae res non mediocrè ad dinoscendos pisces difficultatem attulisse uideatur. ita ut existimare liceat quosdam pisces, uno argumento quod nusquam appareant, uitare retia, atque astu nostrorum artes ludificari, aliquos uero frequentius, quam antiquis euenerit, capi, de quorum nomine nunc maxime dubitemus. Constat nonnullos pisces alias in nullo censu, quod mire principum gula placuissent, summam per aliquod tempus publica quadam assentatione claritatem obtinuisse, qui postmodum extincta cum his regibus raritatis opinione, quam omnes saporè ipsum aequali ac libero totius populi iudicio metirentur, uiliissimo demum pretio uenierunt. uti modo Merlucciae plebeio admodum pisci Hadrianus Pontifex sicuti in administranda republica hebetis ingenii, uel deprauati iudicii, ita in esculentis insulsissimi gustus, supra mediocre pretium, ridente toto foro piscario, iam fecerat. Nec mirum esse debet, quum diuersum alii atque alii palatum habeant, numerosioraque obsonia mari petantur, quam terra, siquidem non modo uolucres, ceterasque sylvarum animantes foecundissima maria gignunt, sed ex ipsis piscibus etiam instrumenta, stupenda uarietate, quae ho-

a 4 mines



# C A P V T

mines imitentur, in fabriles usus abunde præbeant  
 nihilq; animo concipi uel oculis uideri possit, intra  
 hoc cœlum, quo nos integimur, quod ipse Neptun  
 nus pater, in opulentissimis profundi regnis nō ha  
 beat & benigne largiatur. Sed & maior pisciū co  
 pia, maiorq; uarietas, q̄ nunc conspiciere contingat  
 antiquitus Romæ uisebatur, quum in summo luxus  
 fastigio peregrini pisces à remotissimis Ionii, Sicu  
 liq; litoribus peterentur. ob idq; expeditissimi my  
 oparones essent instituti, quorum remigio quicqd  
 Brundusij, Messanæ, Tarentiq; excelleret, Roma  
 nis culinis protinus inferretur, eosq; tum maxime  
 sapos pisces æstimarent, quos & maximo piscan  
 tium labore, & summis sumptibus quæsiuissent. Sed  
 hoc certe parū fuerit, Ionii incolas perforatis in  
 clusos caueis captiuos trahere, adnitentibusq; re  
 mis ac uelis longinqua uerrere maria, ut magnæ  
 Græciæ obsonia non recentia modo, uerum adhuc  
 spirantia Romani luscones absumerent. Quū in  
 quibusdam Cæsaribus ea quoq; prurientis gulæ pe  
 tulantia fuerit, ut in maritimis regionibus pisces  
 fastidirent, quos postea in montanis, locisq; medi  
 terraneis quum essent, ueluti sordescente uenatiōe  
 per dispositos equos & quidam multa timentium  
 seruorum diligentia adduci curarent. Adinuentæ  
 quoq; fuere Piscinæ, quas ad mare, insano quidem  
 sumptu



# PRIMUM.

sumptu extruebant, ut sæuientium aliquando uen-  
torum rabies & hac quoq; hominū industria uin-  
ceretur, nec castigari luxuria posset, etiā si Æolus  
atq; Neptunus, cæteraq; Ponti numina, infensa  
ac infesta epulantibus esse uoluissent. Itaque nullo  
anno tempore, nullisq; in locis, etiam à mari procul  
remotis, egregii Romanis mensis pisces defuere.  
Siquidē studium eius rei, curamq; illam inueterati  
gentis mores excoluerant, quando nulla uel frigida  
dulo, ut pœtice dicam, digna equite cœna censere-  
tur, quæ marinis dapibus caruisset. Nos uero con-  
tra, nisi lege coacti piscibus uestimur, quum certis  
diebus uolucrum aut quadrupedem esitasse piacu-  
lum sit. Ita ut, si animi religione soluerentur, nunq̃  
profecto pisces ipsos, sed capū, perdicē ganeones,  
pro mulis, auratis, ac lupis sectaturos appareat,  
atq; hos tantum fortasse, quū gula quotidianis ex-  
pleta ferculis, noua sibi ad inuitandam famem di-  
uerticulæ quæsiuerit. Tantumq; abest, ut pisces cu-  
pidius affectemus, ut quadragenis illis uerni ieiun-  
nii diebus, neq; decorum metu, neq; infamia permo-  
ti, aliquando ad uorandas carnes, detestanda cupi-  
ditate rapiamur. Quibus de causis effectum est, ut  
neglecta piscatione, uetera piscium nomina peni-  
tus exoleuerint. A nostris enim uere tantum ipso,  
enixe, certatimq; piscantibus omnis generis pisces



## C A P V T

minime capiuntur. Etenim pisces pro uarietate temporum modo uagantur, modo latibula quærunt, in quibus se condant, neq; illorum captura est, nisi certis fere temporibus. Clupeæ ad prima statim ueris signa, quum Ciconiæ aduentant, subire Tyberim solent, inclinante uere, nusquam apparent. In Lario etiam lacu Pigus piscis ille clauis caligariis insignis, ut Plinius refert, non alias unq; à me hoc etiam curiose quærente, conspici potuit, quàm Vergiliarū ortu, quibus maxime diebus Turdi gregatim ab alpibus in uineta deuolare consueuerunt. Sed id præsertim in causa est, cur sæpius fallamur & difficillime uera ea uocabula deprehendamus, quod aliis atq; aliis nominibus diuersi litorum tractus (ut Plinianis utar uerbis) eosdem pisces appellent. Nec mirum, quum rem Romanam, ita uolentibus fatis, barbaræ nationes afflixerint, ipsaq; Europa externarum gentium repleta coloniis, iam pridem ueras literas, & antiquam dignitatem amiserit.

De Capidolio. Caput II.

**M**aximus inter pisces qui hæc litora attingant, Capidolius ab Romanis appellatur. Vnum ex his, paucis ante annis, uasta corporis magnitudine, oculis ac dentibus truculentū, irata maria ingentibus propulsum fluctibus humilia in uada de



## SECVNDVM.

da detruserunt non longe à Grauisca in ora Tuscorum. Inhæsit multa reciprocantis pelagi iactatione fatigatus arenæ, quam pondere suo impetuq; sulcauerat. Neq; inde sua oppressus mole circumagere sese præ inertia aut euadere potuit, quum maria modo tantis inflata fluctibus, subsecuta tranquillitate, frustra eluctantē frequentibus prægrandis caudæ flexibus, fugamq; in altum multo gemitu molientē, quieto, uadosoq; in litore destituisent. Ergo perpetuis ueluti circumuallatus aggeribus crebro, multoq; reflatu indignabundus et expirans circumfusus populis prædæ atq; spectaculo fuit, membratimq; securibus cæsus & subditus prælis in lucernarum usus liquorem præbuit. Tanta erat belluæ uastitas, tantaq; eius dorsi altitudo, ut facile utrinq; pariter equitantibus mutuum aspectum eriperet. Fuere miraculo ingentia ossa in templorum uestibulis suspensa, & in his præsertim oculorum receptacula, quæ orbem prægrandis dolii æquabāt. Sed ea res mox in prodigium uersa est, sicuti tristi admodum euentu statim apparuit. quum enim æstiuæ soles fœda putrescentis belluæ uiscera feruoribus excitata sanie corrupissent, quanquā aggesta materia teterrimi odoris fastidio cremaretur, breui tamen adeo fœtido, noxiq; uapore regionem suapte natura pestilentem infecit, ut ea inauditi spectata



# C A P V T

Spectaculi noluptas multis incolarum funeribus eo  
 autumnno constiterit. Non multis quoq; ante annis  
 alia eiusdem generis bellua non longe ab Arni flu-  
 minis ostio, seniente austri flatibus tempestate, ua-  
 dis illisa est, quam morbo ac senio multaq; agita-  
 tione confectam similis accolarum concursus disse-  
 cuit, extractisque ad spectaculum costis, spinæque  
 Sphondylis, continuo concremauit, ne graui eo ha-  
 litu aer adfectus insalubrior redderetur. Capido-  
 lium à Plinio Orcam uocatum esse crediderim, quā  
 spectante populo Romano Claudius Cæsar Ostien-  
 si in portu longo plagarum ordine conclusam, ue-  
 luti maximo in circo, uel ipsa Naumachia, Præto-  
 riana classe inuectus, circūfusoq; milite, expugna-  
 uit atq; confecit, nec minore quidem spectaculi glo-  
 ria, q̄ antea serpentem ad Bagradam Attilius Re-  
 gulus admotis castris & directis catapultis atq; ba-  
 listis oppresserit. Orca cum Balænis continenter  
 bella gerunt, & toto oceano cruentissimis inter se  
 præliis dimicant, utræq; Gaditanū fretum aliquan-  
 do ingrediuntur. Est & in oceano cetarii generis  
 Rota, quam uidit Lusitana classis, dum extremum  
 Æthiopie promontorium superaret, geminas dor-  
 so rotas gestare uidebatur, ad earum similitudinem  
 quæ frumentarias molas impellente uento editio-  
 ribus in locis circūducunt. Extinuere tantæ belluæ  
 con-



## SECVNDVM.

congressum periti nautæ, qui modo ignoti maris  
 immensos fluctus, certaq; pericula contempserant,  
 satiusq; uisum conuersis uelis fugam capere, q̃ ex-  
 pectare belluam terribili fragore uasta, spumosaq;  
 maria proscindentē, & superbo fremitu ueluti con-  
 spectis hostibus prælium cientem. Neq; eam terrue-  
 re excussa nauibus tormenta, quorum boatibus ea  
 maria resonabant, fugientesq; proculdubio imma-  
 nis bellua uastis mæandris adnatando fuisset con-  
 secuta, uentis, ac uelis celeritate cedentibus, nisi mi-  
 rabunda substitisset. quippe quæ perpetuam inten-  
 dentibus fugam satis gloriosa insectatione, uictor-  
 riam expressisse uideretur. Conspicitur & Phy-  
 siter piscis extra columnas herculeas, Flator ab La-  
 tinis appellatus, qui frequenti reflatu præaltas un-  
 das euomere solet: ita ut procul nauigiorum uela  
 ob spumantis aquæ candorem appareant. Ea bel-  
 luæ superiore biennio quibusdā Cæsarianis è Bri-  
 tania in Hispaniam traicientibus magnum ter-  
 rorem incussere, quum Gallorum nauigia ea uelo-  
 rum specie è longinquo representassent, qui tum  
 ardente bello, ea maria infestis classibus obsidebāt.  
 Sed iam oceano suas belluas relinquamus, quum  
 fercula mensarum potius, quàm naturæ maris tam  
 multa miracula finis narraturi.

De boue



# C A P V T

## De boue bellua & Canicula.

### Caput. III.

**S**Ed anteq̃ ad eos pisces, qui conuiuuiis inferun-  
tur, proposito ordine ueniamus, Bos ille ingētis  
latiq; corporis natantium hominū deuorator, mi-  
nime crit prætereundus. Is admirabili calliditate  
in mari nostro grassatur, portusq; & exculta ædi-  
ficiis litora sæpius frequētat, inde occultus et quasi  
torpens simulata segnitia natantes adoritur. Ben-  
dinellus Saulus Cardinalis sæpius referre solebat,  
se admodum adolescentē cum aliis eius ætatis soda-  
libus natandi studio, non longe à portu in mare al-  
tius prouectum, in huiusmodi belluam incidisse, quæ  
sedato ac maxime tranquillo in mari quieta & im-  
mobilis distincte, atq; p̃spicue uisebatur, cuius aspe-  
ctu adeo expauerit, ut timore præpediente ab soliti-  
ta natandi peritia pene destitutus, ægre se recepe-  
rit. Æthiopem uero qui peregregius erat urinator  
quiq; ipsis adolescentibus corpora eorū ac animos  
maris periculis paulatim insuefaciendo, natandi ar-  
tem tradebat, subsidenti in insidiis belluæ obuiū ce-  
leri natatu prodiiisse, siue ut pauentium mētes, eius  
monstri incursu consternatas, despecto periculo  
confirmaret, uel ut ipse ad referendum miraculum  
belluæ effigiē propius intueretur. Sed belluam præ-  
dæ intentam illum temere adnatantē immāni exce-  
ptum



#### Q V A R T V M.

ptum hiatu confestim deuorasse, neq; alia infelici-  
ter pereuntis Æthiopis ædita signa, præter spumã  
cruentam, agitato in mari ebullientem, ita ut prius  
multiplici & peracuta dentiũ serie confixus, q̃ de-  
uoratus esse crederetur. Oppianus homicidam bo-  
uem elegantissime descripsit, cuius sententia a Lip-  
po pulcherrimis uersibus latine tralata est, quum  
cæteri authores de hoc nullam ferè mentionẽ fe-  
cissent. Est & infesta natantibus ipsa Canicula,  
quæ mortiferis potius dentibus mordicus homines  
dilacerat, q̃ deuoret, quũ capite tantũ sæua casti-  
gatum habeat uentrem & in prælongam ac tenuẽ  
exeat caudam, cuius astus, naturamq; multo simul  
metu, multaq; audacia memorabilẽ, si referre cona-  
rer, insulsissime facerem, quum Plinius incompara-  
bili elegancia breuitateq; ut miri eius ingenii mos  
fuit, suo loco eam expresserit.

#### De Sturione. Caput. IIII.

**E**X omnibus piscibus, qui lautioribus appo-  
nuntur mensis, nullus est toto mari, uel am-  
nibus ipso Sturione procerior atq; sapidior. Siqui-  
dem ubiq; terrarũ & maximũ pretium & summã  
dignitatem hac ætate semper obtinuit. Maria hũc  
gignunt, sed eum flumina maxime nobilitant, pim-  
guescit enim dulcium aquarũ haustu, subagrestemq;  
illum saporẽ exuit, qui præalto in mari concipitur.

Magnos



## C A P V T

Magnos annes perquam libenter subit, propterea in Nilo, Tanai, & Danubio, Padoq; fluminibus maxime reperitur. Caput eius rostratum est, & ad effigiē quadratæ pyramidis protensum. Os illi est sine maxillis, sine dentibus diuersum penitus ab reliquorum piscium forma, idq; sub mento in ipsa prope iuguli parte ad similitudinē fistulæ harundinæ rotundum, semperq; patens, & chartilagineū & summe candidum, cuius hiatū in procerioribus hasta brachii crassitudine haud facile impletet. Cæterum totum caput dura potius, & callosa chartilagine, q̄ certis ossibus constat, quod ex lento quodam, & præpingui mucore concretū esse uidetur. Naribus autem omnino quæ illi pertenuēs sunt supra rostrum, refrigerantur, quum branchiis oīno latis careant, & si quam hauriendo recipit aquam, illam eodē prono ore statim regerit. Toto autē dorso crassiores quædam squamæ ossea duritie certo numero, ordineq; distinctæ, intercurrente spinæ acie ad elegantiam eminent, uti in magnificentioribus ualuis hodie uidemus, quas ferrei atq; inaurati clauī certa serie confixi decentissime figurant cæteræ corporis partes cuticulari & scabro admodum operimento potius q̄ perpetuis squamis integuntur, idq; ad subuiridis atriq; coloris speciem. Quo nomine autē ab antiquis Sturio fuerit appellatus



#### Q V A R T V M.

latus, haud facile diuinauerim, quando grauissimi  
 nostrae tempestatis scriptores uariis sententiis in-  
 ter se dissentiant, quæ quidē magno etiam interual-  
 lo a ueritate discrepant. Et has quidem sententias  
 uanis innixas coniecturis aliquanto facilius erit  
 confutare, quā uerum, certumque nomen celebratissimi  
 piscis in medium afferre. Satis tamen fuerit, curiosos  
 de alienis erroribus admonuisse, ut aliud ipsi  
 accommodatius ac melius inuestigent, si nos fortasse  
 minus proprium nomen inuenisse uidebimur. Rha-  
 phael Volaterranus, qui laboriosissimum cunctis de  
 rebus uolumen condidit, arbitratus est eum hodie  
 Sturionem esse, qui apud Græcos Labrax, apud La-  
 tinos uero Lupus fuerit, cuius opinionem plerique  
 Romanæ Academiæ procures & ante alios Tho-  
 mas Phædrus & Portius Camillus omnibus con-  
 uiuiis probauerunt, his maxime adducti argumētis,  
 quod Lupus Tyberinus longe omnium piscium apud  
 Romanos esset laudatissimus, & is maxime qui clo-  
 acas urbis intraret, atque inter duos pontes capere-  
 tur, qua una modo conditione Sturiones omnium iudi-  
 cio summam saporis commendationē accipiant, si-  
 cuti eos Horatius & Iuuenalis, itemque M. Varro  
 & Plinius et Macrobius celebrarint, referre etiā  
 ad prisca nominis coniecturam, Sturiones hodie a  
 nostris piscatoribus, Lupos appellari, solereque eos  
 b capto



# C A P V T

capto eo pisce, quum retia trahunt, clariore uoce  
 præ lætitia, lupi nomen ingeminare. Quæ conies-  
 cturæ multis rationibus mihi admodum friuolæ ui-  
 dentur, quum id genus argumenti apud Dialecti-  
 cos fallacissimum sit: lupi Tyberini sunt delicatissi-  
 mi, sed Sturiones Tyberini sunt delicatissimi, igitur  
 Sturiones sunt lupi. In hoc enim non comparatur  
 totum luporum genus cum aliis piscibus, sed eorum  
 qui in Tyberi capiuntur, ab his qui in alto degant  
 mari, differentia exprimitur. Ridiculum enim esset  
 etiam apud mediocriter intelligentes, parasitos  
 Lacciam, Spigolam, atq; Lampetram in Tyberi pa-  
 riter captos, q̄ mox latine nominabuntur, uno præ-  
 lato Sturione in secundis dignitatis gradibus col-  
 locare, quum Sturio non semper sit gratissimus, ut  
 pote qui in mediis tantum solstitii feruoribus lau-  
 detur. Poggius doctioris Pogii filius in senectute nō  
 modo cruditus, sed usq; ad iracundiam in conditu-  
 ra ferculorum morosus, & uehemens parasitus,  
 quum Sturionem apud antiquos Lupum fuisse &  
 ipse crederet, in pontificiis quas maxime sectaba-  
 tur, cœnis, dicere solebat, ueteres insulsum habuisse  
 palatum, quod tantopere Lupum celebrassent, eum  
 enim carnes habere cum præduras, tum multa glu-  
 tinosioris succi exuberantia insuauis, quæ prius ap-  
 petentes satient & expleant, quàm delectent. Pro-  
 pterea



#### Q V A R T V M.

pterea non domini, sed familiae potius mensis ap-  
ponendum esse censebat, uno tantum excepto ca-  
pite, cuius elixi & leucophago conditi, latebras &  
recessus omnes ipse furcula simul ac digitis auis-  
disissime scrutabatur. Sed ne in refellendis eorum ar-  
gumentis nimium immoremur, dicamus Lupum al-  
ium esse piscem à Sturione, Spigolam uulgarì no-  
mine nuncupatum, quo probato, Sturionem illis si-  
ne nomine relinquemus. Spigola hodie apud Ro-  
manos est, qui in Venetia Varollus, Lupacius in  
Liguria, in Hetruria Araneus, & Lupus in Hi-  
spania uocitatur. Romanus inter Tyberinos ca-  
ptus pontes, omnium consensu palmam obtinet, con-  
stat enim piscatorum testimonio, qui pluris illum  
q̃ in alto captum mari, lautorū obsonatoribus uen-  
dunt. Is admodum uorax subire cloacas solet, &  
mediae cryptas intrare Suburræ, ut ait Iuuenalis,  
circa sterquilinia, & eiectiones sordes moratur, ob-  
uia quæq; deuorat, nec piscibus ullis, uel corruptissi-  
mis escis parcat, paucis ante mensibus quum in fo-  
ro piscario ingens Spigola exenteraretur, oblon-  
gus serpens in uentre repertus est. Quibus de cau-  
sis in Tyberi mirum in modum pinguescit & ado-  
lescit, nec abnuerim etiam Sturiones subire amnē,  
& pinguioribus aquis gaudere, eosq; tanto sapi-  
diores esse, quanto magis à maris litoribus recessse



# C A P V T

rint. Sed hac ratione Lupus & Sturio idem esse mi-  
nime probatur, quum utraq; differentia ambobus  
æque conueniat. subire enim amnem Tyberinum, &  
ea pastione gaudere atq; pinguescere, propriū po-  
tius Spigolæ, q̃ Sturionis esse uidetur. quoniam nō  
comparamus Sturionē in alto captum, cum eo quē  
in Vrbe expiscamur, quum nunq̃ fere Sturio uel  
certe rarissime in præalto mari capiatur, ut piscato-  
rum testimoniis clare deprehendimus, at contra  
Spigola & ex alto mari & ex amne Tyberi quo-  
tidie hamis uel retibus extrahatur. Ita ut Horatiū  
id inuissē clare admodum existimemus, quū dicit:  
Vnde datum sentis, Lupus hic Tyberinus an alto  
Captus hiet, pontesne inter iactatus, an amnis  
Hostia sub Tusci, laudas insane trilibrem  
Mulū, in singula quē minuas pulmenta necesse est,  
Ducit te species uideo, quid pertinet ergo  
Proceros odisse Lupos? quia scilicet illis  
Maiorē natura modum dedit, his breue pondus.  
Ieiunus stomachus raro uulgaria temnit.  
Patet igitur Lupos capi & in alto, & inter pon-  
tes, quod euidentissime in Spigolis hodie contingit.  
Facit etiam ad coniecturam non contemnendam,  
illud, captus hiet: quis enim unq̃ Sturionem uidie-  
biantem, quū os sub rostro habeat, & immobile &  
angustum, quodq; nullo uel uertebra, uel ductilis  
man



# Q V A R T V M.

mandibulae beneficio dilataripotest, in Spigola autem sit repandum & latum, uti semper in ipsis uideamus, soleantq; ad elegantiam obsonatores malo Arancio lassatas illas hiantis oris maxillas adimplere. Neque illud obstitit, quod dicere solebat Amiterninus pertinax grammaticus, qui perpetuas cum syllabis lites exercuit, Horatium scilicet dixisse proceros odisse Lupos, ut significaret paruos maioribus esse praestantiores, quod adamusim Sturionibus ipsis congruere uideatur, quando Lurcones & diligentissimi quiq; Ganeonum paruos Sturiones, quos Porcelletas appellent, repudiatis maioribus consecretentur. Plurimum enim à Poetae sensibus bonus ille grammaticus aberrabat: Nam Horatius proceros Lupos cum seipsis minoribus non comparauit, sed cum Mulis trilibribus, sicuti paulo post apertissime declarat, dicens maiorem à natura modum Lupis esse datum, qui Mulis parum crescentibus sit denegatus: uerum is tum egregie & magno quidem cum ioco, quum superbe contendere, à nobis coarguebatur: interrogantibus enim quem nam antiquitus piscem fuisse Spigolam putaret, quam adeo libenter ipse edere soleret, si Lupus Sturio esse diceretur, respondebat illam esse Squillam, ridendo quidem errore, ut in proprio capite de Squilla quum de Iuuenalis uersibus agetur, diffu-

b 3 se nar



# C A P V T

se narrabimus . Sed id me plurimum mouet, quod  
 Spigola hodie in Hispania Lupus appelletur, quæ  
 una terrarum latinam linguam magna ex parte in  
 corruptam conseruauit, ipsiq; Ligures proximum  
 latino eius piscis nomen pronuncient. Caterum ad  
 tollendam huius quæstionis ambiguitatem, Aristoteli  
 sententiam adducemus: ait enim Lupum esse  
 squamigerum & quaternis pinnis innatare. quæ  
 differentia ipsum Sturionem excludere uidentur,  
 quum non squamis, sed cute potius aspera contega  
 tur, nec quaternis pinnis ad natandi usum instrua  
 tur. Præterea Galenus in tertio de Alimentis, Lu  
 pum ait, subtiliorem generare sanguinem, & pro  
 pterea cum perdicis carnibus quadam similitudine  
 conuenire, quod nemo sanus Medicus Sturioni at  
 tribuere audebit, quum crassum potius humorē ad  
 generet, & ualde lentum, quod uiscosum dicunt,  
 ipsisq; aptius adultæ uitulæ carnibus, q̃ perdicum  
 leuissimis pulpis æquiperetur. Cornelius quoq;  
 Celsus ad corroborandā Galeni authoritatem, Lu  
 pum & Mulum inter pisces leuioris esse alimentī  
 apertissime dicit, quod & nostra quoq; experien  
 tia cotidie comprobatur. Porro ipse diuus Ambro  
 sius in Hexahemero, teneritudinem in Lupo miri  
 fice laudat, sicuti Plinius in eodem molliciem ex  
 tollit, quum nec Sturionis prætenteræ sint carnes,  
 &



#### Q V A R T V M.

Et Luporum longe tenerrimæ consensu omnium habeantur. Putauere etiam Plinium quum Lupos à candore lanarum lanatos dictos asserat, de Sturione intelligere uoluisse, q, Sturionum carnes plurimum albicare uideantur, quasi Lupi uel argentearum squamarum candore uel summo illa lactearum carniū albore, ceteros omnes pisces non superet Illud quoq; Martialis.

Laneus euganei Lupus excipit ora Timaui,  
Eorum opinionem aperte redarguit, quoniam Timauius flumen in finibus Aquileiensium, cuius ostia celebrata à Virgilio, hodie magna ex parte extenuata, oblimataq; sunt, Sturiones non habet, q tamē Varollis Et Troctis abundat. Quod si dicatur Martialem pro Timaui Medoacum, qui hodie Patauinorum Brenta est, accipere uoluisse, eadem ratione respondemus, quum Brenta manifeste, aut nullos, aut certe paucissimos, Et quidem minutulos Sturiones ferat, ita ut Martialis celebraturus Sturionem insulse admodum ad Timaui recurrisse uideatur quum in propinquo Padum haberet, Et sua magnitudine insignem Et multa Sturionum copia longe clarissimum. Ad certiore quoq; opinionis nostræ fidem pertinere uidetur, id quod à piscatoribus non sine miraculo de Spigolis hodie recitatur, quos ut hamo hæserint, statim discurrere magno nixu, dila-

b 4 tareq;



# C A P V T

tareq; uulnera referunt, ut hamorum insidia ex-  
 carnificato sponte gutture excidant, atq; eo modo  
 in libertatē se uendicare, id quod distincte Plinius  
 ipse Aristotelem secutus commemorat. Ex aduerso  
 autem constat, Sturiones solis retibus capi, nunquā  
 uero hamis, præsertim si cubito maiores fuerint,  
 eosq; piscatores referunt, magno impetu plagarum  
 sæpe maculas dilatare & abrumperre consueuisse,  
 proptereaq; accidere, ut hamis non capiantur, quo-  
 niam Sturiones lambendo, sugendoq; potius, q̄ uor-  
 rando, inepto ad escam corripendam ore ipso sine  
 controuersia alantur. Cæterum id me plurimū ad-  
 monet, ut Lupum Sturionem esse non posse certissi-  
 me credam, quoniam & Lupi omnium ferme scri-  
 ptorum testimonio, & Spigolæ hodie, hamorum li-  
 neas dentibus serratis abrodere soleant, quod Stu-  
 riones ipsos, quum dentibus manifeste careant, effi-  
 cere posse nemo sanus affirmauerit. Extat quoq;  
 apud Columellam dictum illud Philippi admodum  
 luxuriosum, qui apud hospitem Cassino in oppido  
 Lupum sibi in cœna appositū gustabundus expuit,  
 addens, peream, inquit, nisi piscem putauī, quasi uel-  
 let innuere, solos Tyberinos Lupos piscis nomine  
 dignos esse, cæteros autem Lupos inter quisquilias  
 potius q̄ inter pisces esse reponendos. ex quo ego  
 plane coniicio, illum Lupum Sturionem esse mini-  
 me



#### Q V A R T V M.

me potuisse, quando eius tractus amnes, qui sunt in Cassinate agro, & in Arpinatium finibus, Sturiones non ferant. Quisnam autem fuerit ille Lupus M. Philippi palato ingratus, docebimus, quum de Troctis agetur. Secunda opinio de nomine Sturionis Franciscum Philelphum principem habuit, in qua etiam nunc quosdā è nostris Transpadanis exoletæ admodum eruditionis, esse uideo. Is ut erat inter imperitos audax, utpote qui rudi illa tempestate Græcarum literarum notitia clarus atq; insignis euaserat, Sturionem latine esse Attilum, pluribus per totam Italiam epistolis super ea re conscriptis diuulgauit, indoctos appellans non sine uerborum contumelia, qui secus ac ipse crederet, de ui eius uocabuli sentire uoluissent: sed tantum abest, ut uerum nomen inuenerit, ut ipse dum alios in scitiæ bonarum literarum arguere contendit, in alium aliquanto grauiorem errorem pueriliter sit lapsus. Scribit enim Sturionem nullo modo Lupum esse, quoniam Lupus sine controuersia, is hodie sit piscis, qui ab omnibus Lucius appellatur, quoniam lycos græce, Lupus sit, qui postmodum immutata litera in Lucium, deprauantibus latinis abierit. exprimitq; Philelphus effigiem illius Lucii oblongi piscis, extenti capitis & oris maxime denticulati, qui furuas per transuersum fascias habet, dorsum

b 5 item



# C A P V T

item atrum et uentrem admodum candidum, quicq;  
 amnibus ac lacubus totius Italiae maxime sit fami-  
 liaris, quasi præproperus senex non animaduero-  
 terit Lupum quadrupedem lycum, piscem uero La-  
 braca, à suis Græcis appellari. Sed per deos immor-  
 tales, quæ nam insania fuerit, Lupos tantopere ab  
 omnibus authoribus commendatos, dicere eosdem  
 esse, qui uulgo Lucii uocitentur, quum Lucii ple-  
 beia potius inter obsonia censeantur, quàm Romæ  
 nobilium usurpentur mensis. ita ut nunquam, nisi  
 in summa marinorum penuria, sicut aliquando acci-  
 dit piscatione tempestatibus sublata, in mensam ue-  
 niant, & id tum etiam ad honestandam potius pas-  
 tinam, ut dicunt, quàm ad conuiuas eo edulio con-  
 ciliandos. Dicebat Poggius Lucio, etiam ex Cimino  
 lacu, & ei quidem præpingui nullam unquã inesse  
 gratiam, nisi quum solus in maxima conuiuarũ ine-  
 dia prandiis apponeretur. miror quoq; tantæ le-  
 Etionis hominem apud Ausonium ea carmina mi-  
 nime lætitasse, quibus Lucius ignobilis piscis alius  
 à Lupo, apud Belgas & Britanos frequens nomi-  
 natur, ut proprio capite de Lucio mox dicemus.  
 Neq; mirum esse debet, si Lucius apud antiquos pa-  
 rum celebratus esse uideatur, quum paucos præ-  
 ter unum Ausonium, authores curiosus etiam le-  
 ctor sit inuenturus, qui de lacuum & fluuiorum  
 pisce



#### Q V A R T V M.

piscibus fecerint mentionem, quando lupum inter marinos pisces, qui tamen flumina subeant, ab omnibus adnumerari, Lucium uero nunquam intrare maria, uno totius Europæ consensu manifestissime constet. Cæterum Philelphus Sturionem antiquitus fuisse Attilum asserebat, unius Plinii auctoritati innixus, qui in nono naturalis historiæ quum de Thynnorū magnitudine loqueretur, dicit: Sunt & in quibusdam annibus haud minores, Sylurus in Nilo, Esos in Rheno, Attilus in Pado inertia pinguescens, ad mille aliquando libras catenato captus hamo, nec nisi boum iugis extractus. Quibus adductus uerbis, Attilum non posse esse alium à Sturione putauit, quum Sturiones illos prægrandes, qui in Pado caperentur, piscium eius annis longe maximos arbitraretur, quod manifeste falsissimum est. Nam Attilus is est, qui à Ferrariensibus Adelus seruato antiquiore uocabulo nuncupatur, piscis inquam ipso Sturione amplior, & effigie. sapore, pretio, & tota fere natura ab eo dissimilis, atq; adeo diuersus, ut in prouerbium, Ferraria uenerit, quū duas inter se res maxime distātes significare uolunt, eas sic differre, ut Sturionem ab Attilo dicant. uti nuper nobis etiam confirmauit Ferrariensium legatio, ab Alfonso Atestino ad Clémentē Pontificem missa, cuius erant principes Casellius  
celeber



# C A P V T

item atrum et ventrem admodum candidum, quique  
 annibus ac lacubus totius Italiae maxime sit fami-  
 liaris, quasi praepropere senex non animaduero-  
 terit Lupum quadrupedem lycum, piscem uero La-  
 braca, à suis Graecis appellari. Sed per deos immor-  
 tales, quae nam insania fuerit, Lupos tantopere ab  
 omnibus authoribus commendatos, dicere eosdem  
 esse, qui uulgo Lucii uocitentur, quum Lucii ple-  
 beia potius inter obsonia censeantur, quam Romae  
 nobilium usurpentur mensis. ita ut nunquam, nisi  
 in summa marinorum penuria, sicut aliquando acci-  
 dit piscatione tempestatibus sublata, in mensam ue-  
 niant, & id tum etiam ad honestandam potius pas-  
 tinam, ut dicunt, quam ad conuiuas eo edulio con-  
 ciliandos. Dicebat Poggius Lucio, etiam ex Cimino  
 lacu, & ei quidem praepingui nullam unquam inesse  
 gratiam, nisi quum solus in maxima conuiuarii ine-  
 dia prandiis apponeretur. miror quoque tantae le-  
 ctionis hominem apud Ausonium ea carmina mi-  
 nime lectitasse, quibus Lucius ignobilis piscis alius  
 à Lupo, apud Belgas & Britanos frequens nomi-  
 natur, ut proprio capite de Lucio mox dicemus.  
 Neque mirum esse debet, si Lucius apud antiquos pa-  
 rum celebratus esse uideatur, quum paucos praeter  
 unum Ausonium, authores curiosus etiam le-  
 ctor sit inuenturus, qui de lacuum & fluuiorum  
 pisce



#### Q V A R T V M.

piscibus fecerint mentionem, quando lupum inter marinos pisces, qui tamen flumina subeant, ab omnibus adnumerari, Lucium uero nunquam intrare maria, uno totius Europæ consensu manifestissime constet. Cæterum Philelphus Sturionem antiquitus fuisse Attilum asserebat, unius Plinii auctoritati innixus, qui in nono naturalis historiæ quum de Thynnorū magnitudine loqueretur, dicit: Sunt & in quibusdam amnibus haud minores, Sylurus in Nilo, Esos in Rheno, Attilus in Pado inertia pinguescens, ad mille aliquando libras catenato captus hamo, nec nisi boum iugis extractus. Quibus adductus uerbis, Attilum non posse esse alium à Sturione putauit, quum Sturiones illos prægrandes, qui in Pado caperentur, piscium eius annis longe maximos arbitraretur, quod manifeste falsissimum est. Nam Attilus is est, qui à Ferrariensibus Adelus seruato antiquiore uocabulo nuncupatur, piscis inquam ipso Sturione amplior, & effigie, sapore, pretio, & tota fere natura ab eo dissimilis, atq; adeo diuersus, ut in prouerbium, Ferrariæ uenerit, quū duas inter se res maxime distātes significare uolunt, eas sic differre, ut Sturionem ab Attilo dicant. uti nuper nobis etiam confirmauit Ferrariensium legatio, ab Alfonso Atestino ad Clémentē Pontificem missa, cuius erant principes Casellius  
celeber



# C A P V T

celeber iureconsultus, & Antonius Costabilius  
grandæuus senex usurerum, & uitæ splendore in-  
signis. Tertia opinio Sturionē apud Plinium Tor-  
sionem fuisse affirmat, cuius præcipuum authorem  
Theodorum Gazam extitisse complures arbitratur  
eam paucis ante annis acerrime defendebat Longo-  
lius Gallus singularis doctrinæ iuuenis, & q̄ proo-  
culdubio summum latinæ eloquentiæ fastigium fu-  
isset adeptus, nisi mors immatura eū in medio opti-  
morum studiorum cursu sustulisset. Adducebatur  
ea maxime ratione, quod Plinium uidebat Sturio-  
nis formam atq; naturam in capite de Torsionibus  
expressisse, quum dicit: Delphinorū similitudinem  
habent, qui uocantur Torsiones, distant & tristi-  
tia quidem aspectus, abest enim illa lasciuiā, maxi-  
me tamen rostris canicularum maleficientia assimi-  
lati, horū enim uerborū testimonio: Sturiones iidē  
qui Torsiones esse uidebantur, atq; ea præsertim  
coniectura quod, quum minorem q̄ in Delphinis ui-  
deamus, cum aspectu ipso, tū natatu lasciuiā præse-  
ferant, etiam fistulam habeant, uti in Delphinis cō-  
spicitur, quanquā diuerso modo à natura sit indita  
Nam Delphini per suam expirant et refrigerantur  
fistulam, ea autē pro ore Sturiones utuntur, quum  
uti supra diximus, & per nares & paruas bran-  
chias ac̄rem pro uitalibus refrigerandis attrahant

Notitium



#### Q V A R T V M.

Nouitiumq; hoc Sturionis nomen, antiquo Torsionis uocabulo plurimū alludere, ipse Longolius arbitraretur. Quibus adductus argumentis Theodorus Gaza, ut erat in transferendis Græcorum sensibus, Plinianorum uerborum obseruator atq; imitator diligentissimus, apud Aristotelem in octauo de historia animalium Phocenam, Tursionē uerteerit, ueluti ab ipso Plinio uocabulum mutuatus. Cæterum si bona cum uenia bonis mortuis licet refragari, nos docebimus Theodorum Tursionē pro Sturione nequaquā accepisse, uel si acceperit, plurimū errauisse, Plinium quoq; per Tursionē ipsum quē nunc quærimus, Sturionem significare minime uoluisse. Si quidē Gaza quum Aristotelem latine interpretaretur dicentem in octauo de historiis animalium: In ponto fera nulla est, præter Delphinū & Phocenam. pro phocena Tursionē dixit, quem Phocenam sciebat ab Aristotele inter uiui paros pisces esse connumeratū, quum Aristoteles alios piscium esse ouiparos, alios autē uiui paros. i. qui catulos parerent, dixisset. Nemo autē adeo imperitus est, ut nesciat Sturiones esse ouiparos, ut ex cotidiano esu deprehenditur, & ex salsamētis Cautariis quæ ex ouis Sturionū sine controuersia conficiuntur. Neq; enim credendū est, tantæ eruditionis ac diligentia hominē, uti fuit Theodorus, adeo peruliter



## C A P V T

riliter fuisse hallucinatum, præsertim quum hunc  
 ipsum locum aliter à Plinio fuisse conuersum ani-  
 maduerteret, qui pro Phocena non Torsionem, sed  
 uitulum marinum substituerit, ut diligenter Her-  
 molaus in castigatiõibus annotauit. Præterea apud  
 Aristotelem Phocena Sturio esse non potest, quū  
 in sexto de natura animalium ubi eius effigiem ex-  
 primit, clarissime dicat Phocenas omnino carere  
 branchiis, sed branchiarum loco fistulam habere, q̃  
 Sturionibus minime accidit, quoniam præter fistu-  
 lam oris, uti diximus, branchias manifeste habent,  
 quanq̃ paruas & angustas, si illas tantæ molis pi-  
 sci comparemus, ita ut Sturio nullo modo Phocena  
 esse possit. Subiungit quoq; Aristoteles Phocenā  
 nasci in Ponto, quod de Sturione minime dixisset,  
 quando Sturiones omnibus ferè in maribus facile  
 reperiuntur, magnamq; eorum copiā insignes flu-  
 uii alant, siue in mare nostrum, siue in ipsum ocea-  
 num euoluantur. Quod uero Plinius Torsionem,  
 Sturionē esse putauerit, minime crediderim uel hoc  
 uno argumento, quod Sturionis & magnitudine  
 & frequentia, & ipso deniq; pretio admodū cele-  
 brati piscis, ab ipso Plinio nullam præterq̃ hoc uno  
 in loco, mentionem factam esse uideamus, quum uel  
 minimos & in eduliis etiam prædamnatos pisces,  
 non modo in nono peculiari aquatiliū libro, sed  
 in aliis



#### Q. V A R T V M.

in aliis obiter locis sæpius nominet, atq; depingat.  
Vnde putandum est Plinii Torsiones, sicuti Aristoteles asserebat, in Ponto Euxino potissimū uersari, nec temere per alia maria, extra Hellespontum, Thracii uel Bospori angustias euagari. Porro Plinius: si uerba Aristotelis consideremus, pro phocena Torsionem intellexisse uidetur, qui Torsio eodem teste maleficus est, quoniam canicularum rostris assimiletur, & ipsa quoq; phocena ab Aristotele ueluti maxime malefica fera nomine nuncupatur. Sed Sturio quomodo maleficus esse possit, non uideo, quum dentibus omnino careat, sic fortasse à natura formatus quoniam piscibus non alatur. Ridiculum enim esse dicere Sturionem in pisces grassari per ipsam tantum lasciuiam: Nam magni pisces alios persecuntur, ut interemptis ueluti proprio pabulo uescantur. Sed ut hanc inueteratam de Torsione opinionem penitus conuellamus, paulopost alium a Torsione & quidem sæpius ab ipso Plinio celebratum piscem Sturionem esse monstrabimus. Quarta opinio Hermolai Barbari fuit uiri nobilissimorum studiorum gloria insignis, qui rogatus sententiam in tanta eruditorum dissensione, per epistolam Paulo Cortesio respondit: Sturionem antiquitus Hyccam fuisse, ex testimonio Athenæi hac coniectura adductus, quod Hycca porcum significet



# C A P V T

significet, Sturionem autem porcelletam, quū præsertim sit paruus, appellari à nostris magna eius nominis cōformitate. Nihil enim melius hæcenus inuenerat Hermolaus, utpote q̄ ingeniosus & prudens ineptas iam de Lupo, Attilo ac Torsione opiniones repudiarat. Potuit cum mouere Ambrosius q̄ in Dominica passione dicit, Gutto siue Gulo Porcellum amat, ut comedat, quasi per Porcellum Ambrosius Hyccā expresserit, et in Hexahemero ait Iudæos marinis porcis uesti, q̄bus terrestribus non uestantur. Sed hæc coniectura frigida admodū uidetur, quum alius sit in mari Porcus piscis diuersus à Sturione, hodieq̄; plures obesi pisces & qui præpingue abdomen habent Porci a piscatoribus appellentur, sicuti Thynnus a Strabone & a Polybio porcum appellatum esse uidemus. Cæterum ipse Hermolaus in Corollario quod Dioscoridis interpretationibus appendit Iulidas ait uocatos esse porcos, q̄ tamē longe diuersissimi sint a Sturionibus, Syagrim quoq̄; piscē appellari potuisse a nomine suis. Athenæus quoq̄; qui Hyccam auctoritate Callimachi sacrum ueluti ob saporis excellentiam appellari dicit, mentionē de alio pisce intulit quem hyn, id est, suem uel aprū nuncuparint. Alii etiam Græcorum Porcum marinū Psammatida uel Psammitin cognominatum putant, ut clare appareat



#### Q V A R T V M.

reāt Hermolaum, Hyccam Sturionem esse, pro con-  
stanti in ea epistola affirmare minime debuisse,  
præsertim quum in castigationibus Plinianis, &  
in ipso corollario, de nomine Sturionis plurimum  
ambigere uideatur. Quem modo Tomum Thuria-  
nū posse esse dicat à Thuriis oppido Italiae in Bru-  
tiorum ora, ut ipse opinatur dictum, alludente uo-  
cabuli similitudine. præsertim quum Athenæus  
asserat Tomum Thurianum in Italia delicatissimū  
esse obsonium, modo eum putet esse Galeotem uel  
Xyphiam Strabonis autoritate, modo eum dictum  
fuisse affirmet Scyllam & Lamiam & Carchariā,  
ad extremum uero tot nominum diuersitate per-  
plexus fateatur, uel Sturionem antiquitus his ap-  
pellationibus uocitatum esse, uel sic dictum à Thu-  
riano Tomo delicatissimo obsonio, quod tantopere  
à Græcis celebretur. Sed illud me præsertim mouet  
quod nemo authorum quos legerim, præter unum  
Athenæum de Hycca pariter & Tomo Thuriano  
fecerit mentionem, quando Sturio celebratissimus  
piscis, ut sæpius dixi, certo claroque nomine fuerit  
appellandus. Verum hæc nostra inuenta, quæ lu-  
dendo excogitauimus, in bonam partem à lectori-  
bus accipi uelim, atque eo animi candore quo scri-  
psimus à doctioribus perpendi. non enim is sum, qui  
obtrectationi alienæ laudis eruditior uideri uelim,  
c quum



# C A P V T

quum ulla in parte cum his, quos supra redargui,  
 uel ingenio, uel eruditione minime sim conferen-  
 dus. Igitur in tanta eruditorum altercatione lice-  
 bit & mihi propriam attulisse opinionem, ita tamē  
 ut cum præfatione prius attester, me tamdiu in ea  
 sententia permansurum, donec aliud, quod magis  
 arriiserit, diligentiores inuenerint. Dicamus igitur  
 Sturionem ab antiquis Silurum fuisse appellatum,  
 quem pro Glani Theodorus apud Aristotelem in-  
 terpretatur, sed de hoc, quum plures apud me cer-  
 tiores sint coniecturæ, hoc uno tamen maxime ar-  
 gumento adducor, ut Sturionem opiner esse Silu-  
 rum, quoniā mirum hercle uideatur, quod hac æta-  
 te, quis nam piscium antiquitus Silurus fuerit, pe-  
 nitus ignoremus, qui adeo in mari ac fluuiis testi-  
 monio Aristotelis, Plinii, Athenæi, & Ausonii sit  
 celebratus, ex aduerso autem de Sturionis antiquo  
 nomine plurimum dubitemus, qui sit omnium fere  
 totius orbis fluuiorum incola longe notissimus.  
 Neq; enim credendum est, ueteres adeo insulsi fu-  
 isse gustus, ut arbitremur eos Sturionem minime  
 cognouisse, aut Silurum ipsum ueluti aliquo natu-  
 ræ defectu, tota eius generis extincta sobole, peni-  
 tus euanuisse. Silurus authore Plinio atq; Ausonio  
 fluuiatilis pariter ac marinus est, & quidem præ-  
 grandis, sed præcipua magnitudine in Nilo et Gan-  
 ge ue



#### Q V A R T V M.

ge ueluti amnium maximis. cæterum carne prædulci, nullis ossibus uel spinis intersitis, rostro itē, caudāq; Delphino simillimus, ita ut compellare eos libeat, qui propterea Torsionē Sturionem esse uolebant, quod effigie ac rostro Delphinis assimilaretur. Id uero me etiam plurimum mouet, quod in Nilo, Borysthene, atq; Danubio, uti Plinius de Siluris ait etiam nunc frequentissimos Sturiones esse cognoscamus: Nam in omnibus Nili ostiis & superius prope Memphim Ægypti Sturionem expiscantur. In Borysthene uero, qui hodie Neper est amnis, Phasiq; & in ipso Tanai apud Tanam emporium tanta eorum est copia, ut cætariæ ibi institutæ sint officinæ, in quibus ea salsamenta ex Sturionū ouis salitis, quæ Caviaria dicimus, itēq; ipsa Schinalia ex summo Sturionis spinali dorso, sale, fumoq; inuenterata conficiantur. In Danubio autem adeo frequentes sunt, & magni, ut ex eo minores etiā amnes subeant, qui in ipsum influunt, sicuti Drauā, Sauum, & Tybiscum, & ut mirum non sit eos etiam Menim amnem subire, sicuti Plinius ait, propter Lisboun, in quo Siluri, ut in Danubio, innatantes equos deprimant. Menim autē cum Hermolao cū amnem esse putauerim, qui alio nomine dicitur Oenus. is Sueuorum gentē è Vindelicia ab Austris, qui Norici sunt, diuidit, Danubioq; miscetur, ita ut



# C A P V T

ab Istro Istrionem piscem hunc esse dictum putem  
quo in amne sit insignis, ut hodie uidemus & Athe  
naeo placet. qui Silurum Istrianum siue Danubias  
num honoris atq; excellentiæ causa ubiq; nomina  
uit. Sed audiamus Ausonium de Siluro in Mosella  
canentem, qui ignobiles etiam Tincas minime præ  
teriit :

Nunc pecus æquoreum celebrabere magne Silure  
Quem uelut ætæo perductum tergora oliuo  
Amnicolam delphina reor, sic per freta magnum  
Laberis, & longi uix corporis agmina soluis  
Aut breuibus defensa uadis, aut fluminis uluis,  
Aut quam tranquillos moliris in amne meatus  
Te uirides ripæ, te cærule turba natantum  
Te liquida mirantur aquæ. diffunditur alueo  
Æstus, & extremi procurrunt margine fluctus  
Talis atlantiaco quondam balæna profundo.

Quid enim certius notari, exprimere potuit his  
uersibus q̃ pro Sturione Silurus? qui & magnus  
& fluuiialis pariter ac marinus, & Delphino simi  
lis ac ipso terгоре uerum olei colorem referre ui  
deatur. conueniunt profecto hæc omnia Sturioni  
& quidem adamussim, ita ut necesse sit, eos qui id  
negauerint, & asserre aliquem magnum piscem ex  
his fluminibus pro Siluro, qui sit à Sturione diuer  
sus, & alium ostendere apud Ausonium per quem

Poeta



#### Q V A R T V M.

Poëta Sturionem uoluerit demonstrare. Non enim credibile est, eum q̄ minimos quosq̄ fluuiatiles propria nomenclatura persecutus est, ipsum Sturionē p̄culdubio uel sua magnitudine, uel dignitate amnicularum regem adeo somniculose præterisse. Illud quoq̄ opinioni nostræ aliqua ex parte suffragatur, quod in Canariæ insulæ amnibus (ea ad Atlanticum uergit oceanū) multi ac optimi Sturiones piscatione capiantur, uti Hispani, Lusitaniq̄ referunt. qui dum nouas incogniti orbis terras inuisitata ac admirabili nauigatione per immensum oceanū quæerunt, Fortunatis insulis aquationis gratia quotidie applicant. Cuius Canariæ amnes ipse Plinius Siluris abundare cōmemorat, neq̄ mirum est, quum is piscis omnium magnorum amnium sit familiaris, uti in Thamesi Britannia, aliisq̄ amnibus qui in oceanum erumpunt, manifeste conspiciamus. Hispania autē omnis Sturionē, Sulum appellat, ita ut parū ea uox à Siluro q̄ item & Sulus dicitur, abesse uideatur. Quando, ut ante dictum est, una terrarū Hispania ueterē Romanæ linguæ sonū, atq̄ ipsa uocabula nō sine rubore dediscētis Italia retinuerit. Quomodo autē Siluri in Sturiones abierint, nuper docuit, & quidem, ut arbitror, felicissime inuenit Michael Syluius apud Clementem Pontificē Lusitaniæ regis legatus, q̄ uti est optima



# C A P V T

rum literarum atq; omnis antiquitatis scientissimus, testatur Sulios longe optimos, omniū confessione in Asturia reperiri, unde Asturiōes dicti sint, ueluti ab regione nobilissimos producente nouum cognomentum, uetere repudiato nomine retulisse uideantur. Diuus quoq; Ambrosius opinioni huic nostræ astipulatur, quum dicit Silurus de aliorum piscium uermibus uiuit. Sturiones namq; uti diximus, grandiusculos pisces deuorare nequeunt, quū ore sub rostro a natura constituto, non facile nisi minutissimos corripiant, & propterea solis suctionibus nutriantur, ut etiam Albertus magnus asserit, apparetq; hodie in his euisceratis, in quorum uentriculo qui perangustus est, nunq̄ deuorati pisces reperiuntur. Subdit tamen Ambrosius, inutilis sæpe præda piscantium, ut uideatur in æduliis Silurum minime commendare, sed ego, in, syllabam temere à librariis additam putauerim. siquidem Silurus apud Athenæū dicitur sapidissimus, quū enim Latum piscem Siculo in mari frequentē uellet laudare, a carnis candore, suauitateq; eū Danubiano Siluro comparauit, neq; illud Plinii parum conuenire Sturioni autumauerim, quum dicit Silurus carne prædulci, nullis ossibus, spinisue intersitis, quū Sturionē habere ossa manifeste appareat. Existimo enim Plinium intelligere uoluisse Silurum unatantum



#### Q V A R T V M.

tantum perpetua, qua traicitur, spina esse conten-  
tum, nullasq; subinde spinas (uti in aliis accidit)  
a sphondylis oriri, quibus tota caro, corporisq; am-  
bitus ueluti costis sæpiatur, delicatæq; illæ pulpæ  
multo cum fastidio, tum periculo comedentium con-  
tineantur. Cæterum, uti ego arbitror, Sturiones nō  
eo in pretio fuere antiquioribus, uti nostris tempo-  
ribus uidemus, siue quod eius caro per se dura &  
multo mucore pinguedinis repleta celeriter sui de-  
siderium primis mensæ congressibus auferat, siue  
quod pergrauis, ac molesta tenuioribus stomachis  
esse deprehendatur: Videtur & nonnullis Iuena-  
lem, uilem omnino piscem Silurum annotasse, quū  
dixit: Vendere municipes fracta de merce Siluros  
sed uenditorē potius uilem q̄ mercē ipsam, hoc est,  
Crispinum ab Ægypto, Iuvenalem innuisse credide-  
rim, qui Siluros fractos, id est, membratim cæsos,  
uti hodie uidemus, aliquando in humiliore fortuna  
uenditarit. Quo in loco Iuuenalis, Georgius Me-  
rula oculatissimus grammaticus Siluros non esse  
multum absimiles à Sturionibus arbitratur, utpote  
qui iam animaduерterat illos qui Lupum, Attilū  
ue, Torsionemq; & Hyccam Sturionem dicerent,  
a ueritate plurimū errauisse. Quantum autē per-  
tinet ad piscis naturam, dicimus eum tarde cōcoqui  
& propterea ex eius excretionibus multam genes-

c 4      rarē



## C A P V T

rari pituitam. Vitium eius carnis aliqua ex parte tolleretur, si in tabellas pollicis digiti crassitudine secaretur, torrereturq; in craticula & quidem ex præcepto Galeni, oleo, sale, acetoq; leni, atq; iterata aspergine inditis, sed qui palato potius, q̄ stomacho studere uidentur, elixum eum cum leucophago passim comedunt. Is quum toto ferè capiatur anni circuitu, æstate tamen adulta longe probatissimus æstimatur. Siluri felle cum Attico melle permisto suffusos bouum oculos ueteres inungebant, ut Aetius affirmat, qui medicæ artis præcepta Græco sermone conscripsit. Sed id potius ex eius humoris acredine, q̄ ab occultiore Siluri piscis proprietate prouenire putauerim, quum etiam ex felle quadrupedum ac uolucrū & inter alias Perdicum, ægris hominum oculis nota collyria iniicere soleamus.

### De Umbrina Caput V.

**S**ecundum Siluros Sciæna è grandibus primâ saporis obtinet claritatem. Eam M. Varro et Columella Umbram appellât, quâ et Ennius quoq; celebravit, ut ex Apuleio deprehenditur dū ait : Melanurum, Turdū, Merulâq; Umbrâq; marinâ. Hæc tota latioribus squamis integitur, denticulata est, et Aristotelis, Pliniiq; autoritate in capite lapidē habere consuevit, agilis est & plurimum uorax. Propterea Ausonius ait, celer Umbrâ natatu capitur



## Q V I N T V M.

capitur cum Siluris frequenter circa ostia fluuiorum & in alto etiam, quod Siluris non contingit, ipsa quoq; canicularibus diebus pinguescit, pariq; fere pretio cum Siluris æstatis tempore uenundatur, eam hodie Romani Vmbrinam uocant. capita Vmbrarum, sicuti & Silurorum Triumuiris rei Romanæ Conseruatoribus dono dantur, qui pisces inueterata quadam consuetudine eorum capitum tributi nomine uectigales fecerunt. Capiti enim summa inest gratia, auctoritate etiam Archestrati, qui in parandis obsoniis, quod eorū ingeniosissimus esset artifex, Dædalus à Græcis appellabatur. Is Vmbrini capitis nobilē quandam conditurā ut apud Athenæum uidere est, multis carminibus expressit. propterea hodie etiam quū pretio parari non possint, gulosi ea capita q̄ auidissime consecretantur. Extat adhuc in ore quorundam facetorū ridēda fabula de T. Tamisio, qui Romanis aulicisq; salibus erat insignis, sed gulæ adeo prostituta, ut infamis haberetur. Is quum p̄ seruū, q̄ in foro piscario in eam curam intētus excubare solebat, ingētis Vmbrinæ caput Triumuiris delatū esse cognouisset in Capitolium protinus ascendit, ut simulato apud magistratum negotio, sermoneq; de industria protracto, prandium captaret. Verum illud Triumui-  
ri iam Riario Cardinali donandum decreue-



# C A P V T

rant, ita Tamisius quum limine curiæ efferri ingenti, coronatq; patina caput illud nobile conspexisset, primo deceptus cōsilio, illud subsecutus est præmisso seruo, qui uestigiis deferentium ministrorū insisteret. Nec multo post quum Riarianis ædibus inferretur, bene habet, salua res est, inquit Tamisius opipare excipiemur: erat. n. in primis mensæ Riarianæ, quæ longe omnium semper lautissima fuit, familiaris. At Riarius, ut erat natura munificus, maximū, inquit, hoc Triumuirale caput maximo debetur Cardinali, statimq; Federico Sanseuerino proceritatis admirandæ Cardinali transmittitur, colligit extemplo togam Tamisius, Riarium intēpestiue munificentiae incusans, in mulamq; resilit, et munus ad Sanseuerintanam domum consequitur. Idē pari liberalitate facit Federicus, caputque ipsum splendidis exornatum uerbis aurataq; illatū patina Chisio publicano ditissimo deferri iubet, qđ ei multo ære alieno grauibsq; usuris obstrictus erat. Volitat tertia iam spe auidam frustratus gulā æstuans Tamisius, festinabundusq; incalescente iam die in transtyberinos hortos quos ipse Chisius magnificentissimos extruebat, contendit. Ibiq; fessus admodum & multo sudore madidus quod grauis erat abdominis, quarto a fortuna decipitur, quippe qui Chisium caput illud recentibus floribus redimitum



## SEXTVM.

mitum adamato Scorto cui ab forma, eruditisq; illecebris Imperiæ cognomen fuit, ut extemplo deferretur curantem reperit. Flectit itaq; indignabundus habenas retro, nec tamen subiratus gulæ, quæ herculeos labores attulerat & ad Imperiam iam multo sole Sixtini Pontis semitam exurente adequat. Ad extremum anhelantis gulæ ea uis atq; libido fuit, ut qui per totam urbem fuerat raptatus, idē & togatus & senex cū scorto admirante noui hominis aduentum, nullo pudore discubuerit, sic ut mirari desinamus Apitium, qui ut ait Athenæus, cū Linterni Astacos cancos piscaretur, audissetque longe maximos & nobilissimos in litore Aphrico reperiri, eo propere stimulante gula, insigni nauigio delatus est. Statimq; prius q̄ in terram descenderet, occurrentibus ibi piscatoribus cum Astacis, quod famæ expectationiq; minime respondiissent, protinus cōuersis uelis, nec salutata quidem Aphrica, in Italiam ad grandiores Astacos sit reuersus. Cæterum eadem prope Vmbrinæ ac Siluro carniū conditio, utræq; enim, ut diximus, non mediocre imbecillioribus stomachis negotiū facere cōsueuerūt.

De Thynno Caput. VI.

**T**Hygni multitudine sua omnibus litoribus sunt noti, gregatim uagantur, ob id in Euripis maxima eorum est captura. Irrumpunt Maio mense



# C A P V T

inense in mare nostrum ab Atlantico Oceano con-  
gentibus Xyphiis, hoc est, Spathis piscibus, q̄ telo  
à rostris prominente instructi eos toto mari perse-  
quuntur. Simplicissimi sunt piscium, propterea uel  
manibus terriculamentis aëti facile uadis atq; lito-  
ribus intruduntur, eo modo Gaditanus populus in-  
finitam eorū multitudinē magno quæstu solenniq;  
spectaculo retibus extrahit. Saturantur inde cape-  
torum recentibus pulpis circumfusæ gentes, reli-  
qua illorum multitudo cetariis infertur, saliturq;  
asseruati uero membratim cadis celebri mercimo-  
nio p̄ omnem fere Europam diffunduntur. uerum  
solo abdomine ualent, quæ pars à Romanis Taren-  
tellum dicitur, quod etiā Tarentino in sinu, ubi opi-  
ma pisciū oīm captura est, Thynni sale asseruētur,  
reliquæ corporis partes, utpote quæ pingui succo  
admodū careant, in ignobilis populi usum ueniunt,  
quæ Melandrya à Plinio muncupantur. Primus ab  
ipso statim ouo Thynnorū fortus Cordylla dicitur  
qui mox in Limarias euadit, ex Limariis autē ado-  
lescentibus Pelamides fiunt, sic à Luto dictæ, quas  
nūc etiam Palamix uocamus. quū uero Pelamides  
pedalē excessere magnitudinem, in Thynnos abeūt  
Porrò ex Thynnis (ut Athenæo placet authorita-  
te Sostrati) quū in summum excreuerint, Orcyni  
infecti cæteris piscibus efficiuntur. Adeo enim Thyn-  
ni au



# SEXTVM.

ni augentur, ut Plinii testimonio caudæ eorum latitudinis duorum cubitorū reperiantur, qui postea quindecim talentis pependerint. Sed huic opinioni aduersari uidetur Aristoteles, quū asseueret Thynnos biennio uitam finire. idq; esse compertū uerisimili admodū ratione, quoniam certo anno cum piscatoribus Limariæ defecissent, Thynni etiam sequenti anno defecerunt, ueluti omnibus ferme captis Limariis nullæ reliquæ superfuerint, quæ in Thynnos adolescere potuerint, ita ut credā Thynnos biennii ætate excedentes aliis nominibus appellari, ut Orcynus & Pompilus nauigiorū comes quæ de genere Thynnorum esse Plinius arbitratur. Circa ortum caniculæ Oestrum patiuntur, parua animante sub pinnis aculeū insigente, quo dolore incitati nauigia plerumq; transuolant. Idē accidit Xyphiis, quos modo nominavi. Capiuntur ii circa Zephyrium quod extremū est Italiæ promontoriū Spartiuentum a nautis hodie nuncupatū. Retulit Ioannes Marius Cataneus Nouariensis multarū literarū notitia insignis, q Locrēsi in litore Xyphi orū piscatiōi interfuit, eos tāta esse ingenii docilitate, ut græcanicū sermonē, quo ille magnæ Græciæ tractus utitur, ab Italico distinguere uideātur, idq; admirandis argumētis deprehendi, quum Græcas uoces minime reformident, ad Italicarum uero sonum



# C A P V T

num repente diffugiant, quod complures Brutii testati sunt. Ii in Oceano Indico, in tantam augētur magnitudinem, ut ualidissimis rostris Lusitanarum nauium latera ad sesquipalmum aliquando perforarint. Xyphii bonitate & pretio Siluris fermē sunt æquales, uerum hæc litora raro adeunt, ueluti q̄ perpetuis maris æstibus ut in freto accidit Siculo, gaudere uideantur: propterea Xyphii forma, ut in aliis fiet piscibus, pictura non exprimetur, qđ eum uidere hætenus mihi nō contigerit. Sed Thynni pariter ac Xyphii, quum Oestrū patiuntur, ueluti noxii damnantur mensis. Cæterum Thynni eximie pinguescunt, adeo ut porci iure ipso nuncupetur, cum etiam, ut Polybius tradit, in profundis litoribus, uti porci solent, glandibus uescātur. Thynni recenti pulpa iuxta uentrem, ipsoq; pingui sumine, sicuti palato grati, ita stomachis languidioribus, quibus nauseam pariunt, ualde inimici. circa uero dorsum & caudam contraria ratione, quēadmodum ab nimia ariditate parum delectant, ita superfluo nudati humore minus officiunt. Falconius Etruscus plebeius ganeo, sed eruditioris gulæ, quū in Hispania cetariis præesset, nouū ac sapidissimū obsonii genus ē Thynnorum uentre cōmentus est, circunciso abdomine umbilicos enucleando, et sale, acetoq; et feniculo inclusos cadulis condiendo, ita ut mox



## SEPTIMUM.

ut mox id cibarii genus pleriq; appeterent, ac propter iucunditatem mirarentur, quē modo ut inutilem ex officinis euerrere cōsueuissent. Sed in uniuersum saliti Thynni, sicuti uim alleuandi intermortui gustus mirificam habent, ita multabile aggenerata, sanguinem incendere, iecinoraq; adure re consueuerūt. Recentes pulpæ rectissime coquuntur in uino corsicano & oleo, pipere etiam cum cepis minutatim cæsis superaddito, quod genus condimenti Azeminum Ligures uocant. Pelamides autem multum nutriunt & urinam cient, sed tarde coquuntur authore Athenæo, qui tamen eas salitas stomachis conferre testatur. At Thynnorum iecinoribus mira proprietas inesse traditur ad prohibendam puerorum lanuginē, improbo quidē Mangonum inuento, qui quū mares castrare, dirū atq; crudele nimis ducerent, ipsa tamē uirilitatis initia retardare, ueluti proposita plenior libidine contendebant.

### De Lechia Caput. VII.

**E**st & alius generosus piscis magnitudine atq; colore medius inter Thynnum & Vmbram, quem Romani pariter et Ligures Lechiam appellant. Eam aliqui Centrinam antiquitus fuisse arbitrantur, quoniam pugnacissima sit & atris solidioribusq; aculeis, quanq̃ non omnino lōgis circa dorsum



# C A P V T

dorsum armata, ut Oppianus de Centrina expres-  
 serit. At Lechia corio integitur minime squameo,  
 sicuti in Thynnis uidemus, sed leui & splendido,  
 quod argenteum est, & cœruleo colore perfusum,  
 caudæ uero pinna crescentis lunæ figuram efficit,  
 concaua illa rotunditate ad circini ductum effi-  
 giata. Eius etiam generis, quæ latiore habet  
 uentrem, uulgo piscatores Lopidam & alium  
 Lopida aliquanto minorem Stellam appellant. Ego  
 Lechiam antiquitus fuisse Amiam putauerim, quā  
 Plinius cum Thynnis exire Pontum asserit. nam  
 tota specie maxime Thynnis cognata esse uidetur,  
 & Oppianus audaces Amias appellat, quas com-  
 parat Thynnis, & inire prælia cum Delphinis di-  
 cit. Aristoteles quoque Amias carniuoras esse, &  
 serratos habere dentes, branchiasque contectas tes-  
 tatur quæ branchiæ adeo patulæ mihi minime ui-  
 dentur in Lechia uti in aliis, ueluti Vmbriis & Lu-  
 pis & Coracinis conspiciuntur. Sed ut de hoc nihil  
 certi proferam, uerba Oppiani me mouent, qui di-  
 cit Amias hirudinum more Delphinorum exsuge-  
 re sanguinem, quod Lechiis attribui iure non po-  
 test, quum & in tripedalem crescant magnitudinē,  
 & peracutis dentibus, solidisque aculeis sint instru-  
 ctæ, quibus armis non sugendo, sed pugnando per-  
 uulnera & eadem de Delphino uictoriam conse-  
 quan



# SEPTIMUM.

quantur. Verum hoc de minoribus fortasse Amiis  
dixisse Oppianum aliquis existimabit. Illud quoque  
Aristotelis de Amiis parum Lechiis conuenire ui-  
detur, ait enim propterea Amias sic dictas, quod  
gregatim uagentur, Lechias autem solitarias sæ-  
pius capi manifestum est, quod raro accideret, si  
turmatim uti Thynni, & plerique alii pisces per altum  
& litora deferrentur. Cæterum ut Amiam hodie  
Lechiam esse credamus, etiam id argumento esse  
potest, quod Amiæ & prætenera & gustui suauissio-  
ma carne à Græcis authoribus esse traduntur: nam  
uti citat Athenæus, & Epicharmi, qui de Sireni-  
bus scripsit, & Archippi antiquissimi Poëtæ car-  
mina extant, quibus Amiæ ab ipsa gratiore pingui-  
edine magnopere commendantur, ipse quoque Ar-  
chestratus, qui uniuersam terram, cunctaque maria  
peragrassè uisus est, ut gulæ delitias, singula ubique  
edulia explorando, gustandoque diligenter exquire-  
ret, Amiam ueluti nobilissimum piscem in nuptiis He-  
bes celebrauit, docuitque solenni præcepto eam felici-  
sissime coqui, si conspersa origano, et inuoluta iun-  
co, cucurbitaque foliis ad prohibendum succi delicia-  
tioris effluuium mitioribus flammis torreretur.  
Modo autem constat Lechiam laudatissimo sumine  
& sapore præpinguum pulparum esse pretiosam,  
cuius capita Sturionum, Umbrinarumque capitibus  
d                      Romæ



## C A P V T

Romæ omnium iudicio præferuntur. Probatissima autem in Ligustinis litoribus capitur. Ottobonus Fliscus genere ac hospitalitate illustris, quum Genuæ essem, festiuo matronarum conuiuio tricubitalem nobis apposuit Lechiam, quæ non modo Romanorum, sed & Pelagiorum piscium omnium laudes magno interuallo superauit, Ita ut aliqui subtilioris gulæ homines pulparum suauitate allekti semesa ex Lechiis obsonia in contumeliam auium atq; quadrupedum, in alterum diem reponi sibi plerumq; præcipiant. Quo fit ut Lechiam proculdubio fuisse Amiam fateamur, quum nullum qui insigni sapore præstet, piscem sine certo Latino nomine sisimus relicturi, & nullus ab ipsa Lechia piscis hodie nobis occurrat, quem Amiæ nomine appellare audeamus. Neq; enim mihi persuaderi potest, ut eadem illorū sententiā, qui Lechiam eum esse piscē credunt, quē pro Sturione Hyccam putauit Hermolaus, eo leui argumento, quod Hycca præposito articulo, sicuti nunc Italiæ ueterem elocutionem amittentis mos est, in Lechiam abiisse uideatur. Porro Icesius in libro de materia Amias ab optimo succo teneritudineq; commendauit, aitq; non multa cum difficultate in uentriculis secerni, sed non multum omnino præbere nutrimentum.

De Coruo    Caput. VIII.

Coruum



VIII.

**C**Oruum eundem esse & Coracinum Theodo-  
rus Gaza existimare uidetur, ueluti a Cor-  
uo Coruulus, siue Coracinus descendat. cui  
Hermolaus & Volaterranus refragantur, quoniā  
authoritate Athenæi Coracinus a uerbo Græco  
quod genas, oculosq; frequenter mouere significat  
non autem a Coruo, qui græce sit Corax, dictum  
existiment. Ego autem secus ac Volaterranus pu-  
tat, Coruum genere ipso a Coracino minime dif-  
ferre arbitror, ea maxime ratione quod de Coruo  
nullam ferè a probatis scriptoribus mentionem fie-  
ri constet, authoritate uero omnium antiquorū Co-  
racinus sit et latus piscis et subniger et squamosus,  
quæ differētiae ei, quæ nos hodie Coruū appellamus  
manifeste consentiūt: nā Coruus gibberosus est &  
proportiōe cæterorū squamosorū admodū latus ui-  
detur, uti accidit Coracinis, quos Parmenio Rhodi-  
us, q scripsit de re cognaria, ut allegat Athenæus,  
Platistaticos a latitudine corporis appellauit, Ni-  
gricantes quoq; in Coruis pinnas cōspicimus, quas  
Aristopha. in li. de palustribus, coracinis attribuit.  
Sunt enī Pelagii et fluuiales Coracini. Verū hæc  
nostra flumina nullos aut certe rarissimos ferūt, in  
Nilo tamē Plinio Martialeq; authorib. & in amne  
Bethi ulterioris Hispaniæ reperiuntur, Gadibus  
uero & circa fretum Herculeū laudatissimi simul

d 2 ac ma



# C A P V T

ac maximi, pares Niloticis capiuntur, quos Zeos,  
 & item Fabros à colore atræ fuliginis appellabāt.  
 Coracinus ex his est piscibus, qui commode atq; fe-  
 liciter saliantur, sicuti Galenus in libro de alimētis  
 refert, eum salitum Eutidemus apud Athenæum, q  
 de salsamentis scripsit, Saperdam uocari affirmat,  
 Ita ut Persius idē intellexisse uideatur cum dicit:  
 Saperdamiq; aduehe Ponto.

Nos uero cum æstate frequentius, q̃ hyeme, ut Pli-  
 nius etiam author est, eum capiamus, feruenti oleo  
 ad mediam cocturam mergere, & extractum pro-  
 tinus sale, acetoq; in sportulis myrti foliis certo or-  
 dine substratis reponere solemus, qua industria ad-  
 uersus omnem caloris contumeliam per hebdoma-  
 das asseruatur. Coracinus & præsertim Niloticus  
 prædulces habet carnes, quæ uero proximis litori-  
 bus expiscamur tripedalem ad summum nō excedit  
 magnitudinē, sed carne & aridiuscula, & ob id ab  
 his qui gulæ delitiosius student, parum laudata.

Athenæus elixo tostum meliorem esse testatur, nos  
 uero contraria consuetudine quā recentes, et gran-  
 des nanciscimur, æneis excoquimus cacabis simpli-  
 ci in aqua, extractumq; uirentibus petroselini fo-  
 liis coronamus, sicuti etiam fit in Vmbrinis, quas et  
 sapore & squamarū latitudine plurimum referūt,  
 Neq; id inepta ratione, nam duriores eorum pulpæ  
 omnem



# NONVM.

omnem penitus saporis gratiam amitterent, nisi aliquo iuris lenocinio ab innata illa duricie mollirentur. Ceterum quanquam concoctu sunt difficiles paralyticis tamen mire conferunt, ut author est ille Plinius qui de Medicina librum conscripsit. In Coracini capite lapillus inuenitur, quem puerorum collo pro amuleti suspensum regio morbo aduersari, ignobiles quidam authores tradiderunt.

De Spigola siue Lupo Caput. IX.

**L**upum antiquitus fuisse, quem Romani Spigolam, Varollum Veneti, Etrusci Araneum, Hispani Lupum, Ligures uero Lupacium appellant, in capite de Siluro diffuse monstrauius solertissimus piscium habetur, & idem delicatissimus praesertim est Tyberi, & inter duos pontes, quod aquae subiecti fluminis ab multis cloacarum effusionibus pinguiorem escam subeuntibus praebent. Lupus hamo captus uulnera contempto dolore fortissime laxat, & excusso hamo protinus refugit: inclusus uero retibus in uadis sulcum crebro motu caudae, reiectis harenis facit, atque ita subterlabitur, ut Oppianus author est, & hodie piscatores maioribus etiam miraculis additis, uno consensu fatentur. Propterea ab ipsa uehementia à Graecis Labrax appellatur. Parit bis in anno Lupus, ut Aristoteli placet. summa inest saporis gratia, hyeme cap-  
d 3 ptis



## C A P V T

ptis, & Ianuario præsertim mense, tunc enim & teneritudine, uti diuus ait Ambrosius, & mollicie, candoreq; ut Plinius asseuerat, maxime commendantur. Luporum aliqui sunt lanati uel lanei à candore, ut Plinto Martialiq; uidetur, aliqui uarii, ut Columellæ placet, qui in piscinis ait, includi posse Lupos sine macula, quos secernit ab his qui Varii sunt, ita ut proculdubio credam Varios maiores apud Ambrosium esse de genere Luporum, quos et Troctas appellat. Troctam enim esse Lupini generis apparet, ut aspectu, mutuaq; naturæ collatione perspicitur, ut latius in capite proprio de Trocta disseremus. Cæterum Luporum carnes in ratione ualitudinis a Galeno mirifice laudantur, quod subtiliorem generent sanguinē & perdicis carnibus æquiparentur. Athenæus autē Lupos ait boni esse succi, & non multi nutrimenti, quorum tamen superfluitates non facile secernantur, sed Cornelius Celsus Lupos sicuti & Mulos leuioris esse alimenti testatus est.

De Cephalo Caput. X.

**M**Vgiles Græco nomine Cephalos Romani uocant, qui in plura genera partiuntur. Aliqui enim a capitis amplitudine Capitones, aliqui à prominulis inferioribus labris Labeones, qui hæc cognomenta Romanis familiis indiderunt, alii item Cestres



## DE CIMVM.

Cestres, alii Bacchi, alii demum Myxini & Chelones & Leuchisti & Mucones appellantur. Capitone mense Decembri grauescere, ait Aristoteles, qui id genus pisciū & in mari et in stagnis & in fluminibus gigni, ut uidemus, asseuerat. in uniuersum Mugiles sunt uelocitate admirabili, ut sagittæ arcu emissæ, quum lasciuiunt, uel retia saltu transuolant, esse uideantur, è mari aliquādo amnes & ex fluuiis ipsa maria ingrediuntur. animal est minime maleficum, utpote quod alga tantū ac herbis atq; his, quæ in profundo uado ac ripis sunt, quisquiliis nutriatur, propterea cæteri pisces, qui minime in alios grassari solent, Mugilem, ut sanctum ac optimū in honore habent & uenerantur. Probat eos Galenus, qui marinis fluctibus exercentur, eos uero, q in stagnis et fluminibus urbiū sordes & sterquilinia alluentibus maxime detestabiles asseuerat, quod ex eo alimento admodū feculento uitū cōtrahant. Dorionis quoq; autoritate marini fluuiis alibus præponūtur, sed ii præsertim sunt pessimi, q sua sponte in stagnis atq; paludibus ex limo nasci dicūtur, ut sunt q in Etruria ex Prillino lacu apud Orbatellum ad mediterranea deferuntur, ita ut et illos etiā uitupare liceat, quos Padusæ atq; ipsi lutu lenti Fossæ Clodiæ canales, uiscere prætenere Ferrariensibus & Venetis gratos copiosissime præbēt.

d 4 Icesius



## C A P V T

Icesius Græcus author Athenæo perquàm famili-  
aris, idem & coquus & medicus Cephalos & gu-  
stui gratos & laudabilis succi esse asserit. Galenus  
uero eos tardissime & multo quidem uentriculi cū  
labore digeri atq; secerni prædicat, præcipitq; in  
eorum conditura debere addi herbam Origanum,  
cuius uirtute facilior excursus ad uentrem inferio-  
rem fieri uideatur, eos tamē salitos minus noxios  
esse testatus est. Nos uero Cephalos omnes plenius  
eos in cœna comedentibus dolorem capitis, quem  
morbū medici recentiores Cephaleam dicunt, post  
paucas horas inducere sæpe deprehendimus maxi-  
me si ad lautiores cœnas stomachi tenuiores ac-  
cesserint.

### De Aurata Caput XI.

**V**Eteres non modo Auratam piscem in ho-  
nore habuerunt, sed & Sergii Romani Pa-  
tritii luxuriosa eius piscis æstimatione perpetuum  
familie cognomentum fecere, siquidem a mari, Au-  
ratarum, aliorumq; pelagiorum pisciū semina atq;  
uiuaria in mediterraneos lacus deferebant, ut in  
obsequium popinarum tralata maria uiderentur,  
quæ pretiosa edulia dulcioribus denegata undis im-  
probo opulentiorum studio, cotidianis cœnis copi-  
ose suggererent: sic Auratas, Lupos, & Murenas  
suburbani Lacus, Sabatinus, & Ciminus, & multo  
remo



## V N D E C I M V M

remotiores Vulsinensis et Velinus aliquando pro-  
crearunt, quæ seminaria degenerante sobole, quæ  
externi pisces parum feliciter alienis in sedibus  
prouenirent, paulatim interiere. Ex Auratis quæ  
toto passim mari, mira fecunditate progignuntur,  
Tarentinam antiquiores prætulerunt, sed eam ma-  
xime quæ illata Lucrinis stagnis Concharum esu  
pinguesceret, ut ait Martialis illo in carmine:

Non omnis laudem, pretiumq; Aurata meretur,  
Sed cui solus erit Concha lucrina cibus.

Nonnulli optimorum studiorum laude insignes ex-  
istimant inter Auratas Scarum illum antiquis pre-  
tiosissimum piscem à piscatoribus uendi, qui dentes  
humanis similes & ad ruminandas maris herbas  
plurimum idoneos habeat, maximeq; squamarum  
specie Auratis assimiletur. cæterum ego credide-  
rim eum non facile à nobis deprehendi, errore uen-  
dentium, qui similitudine decepti, neq; animaduer-  
sa saporis nobilitate in foro piscario eum Auratis  
& Sargis commiscere consueuerint, consensu tamē  
piscatorum Zaphirus piscis. sic à cyaneo eius gem-  
mæ colore dictus, inter Auratas longe sapidissim-  
us existimatur, qui fortasse Scarus antiquis fuerit  
Porro Auratæ æstate raro, hyeme autem frequen-  
tissime capiuntur, quæ tum laudatiores existunt.

ipsæ inter cæteros pisces peculiari quadam dote. sin-



# C A P V T

gularem & saporis simul & salubritatis gratiam  
obtinere, authore Cornelio Celso, qui eas in ratio-  
ne ægrorum alendorum leuioris nutrimenti existi-  
mauit. Recte coquentur si ex præcepto Galeni, eas  
in craticula subditis mitioribus prunis, oleo & sa-  
le, acetoq; consperseris.

## De Dentice Caput XII.

**S**ynodontes pisces, Latini Dentices uocant pro-  
ximos Auratis & Pagris: habent enim promi-  
nulos dentes & sunt lati, subrubraq; uarietate cõ-  
spicui: appellatur & hic Sinodus à Græcis alio no-  
mine Charax. i. uallatus, uti est perpetua extantiũ  
dentiũ serie sæptus. Athenæus eum in fretis longe  
optimũ esse ait, qui & salubrior est Galeno autho-  
re, quum in uniuersum meliores euadant, quos plu-  
rima iactatione inquieta, æstuosaq; maria fatiga-  
rint: eum Actius Syncerus Neapolitanus huius æ-  
tatis poëta nobilissimus in lusibus piscatoriis cele-  
brauit quum dicit:

Dat Rhombos Sinuessæ, Dicarchi litora Pagros,  
Herculeæ Mulum rupes, Synodontas Amalphis.  
Synodum Latini ueteres pariter ac neoterici uul-  
go Denticem appellant, probantq; eum ex Illyrico  
Dalmatiæq; litoribus & præsertim ex Salona atq;  
Tragurio, quæ gentes concisum in strusta & se-  
micoctũ multo croceo & perspicuo gelu condiunt  
cadisq;



# XIII

cadisq; includunt, ita ut toto ferme anno p omnem  
 Italiam & Romæ idē aduectitius et recentissimus  
 habeatur. Id genus autē obsonii Medici magnope-  
 re detestantur, & ante alios Petrus Aponensis, q  
 rudi illa tempestate diuini conciliatoris cognomē-  
 tum in ea optimarum literarum strage promeruit.  
 Is enim pisces semel coctos, asseruatosq; & præ-  
 sertim uasorum conclusos operculis mortiferam  
 qualitatem adquirere, mandentesq; certo plerumq;  
 ueneno inficere, ratione, atq; experimento depre-  
 hendisse affirmavit.

## De Fragolino. Caput. XIII.

**A** Vratas sequuntur Pagri, siue Phagri, Fra-  
 golini uulgo dicti, ex his q assantur pisci-  
 bus longe probatissimi: sunt enim & gustui gratis-  
 ores, & stomacho nequāq; molesti, utpote q ratio-  
 nabiliter febricitantibus ipsis conceduntur: nā præ-  
 ter id quod de omnibus saxatilibus Auicena intelle-  
 xit, Pagri nullam uiscoli, lentiq; humoris exuberan-  
 tiam habent, qui etiam ipso iure conceduntur, quo-  
 niam quum uniuersum piscium genus frigida atq;  
 humida sit naturæ, humida frigidaque cibaria fe-  
 bricitantibus Hippocratis authoritate debētur, ut  
 aliquando mtrer quosdam scrupulosiores medi-  
 cos, quum febris adsit, totum prope piscium  
 genus



# C A P V T

genus prædamnare. Phagros Romani & magna pars Tyrrheni litoris accolarum Fragolinos, Veneti Albores, ipsi uero Ligures antiquo seruato nomine Pagros appellant, quos, quum sesquipalmi magnitudinem exceßerint, in Dentices siue Sinodontas euadere communis piscatorum consensus existimauit. Ii pisces à colore ipso (apparent enim rubro uino madefacti) Erythrinis & Iecinoribus piscibus assimilantur authore Speusippo, ut ait Athenæus. cuius testimonio manifeste repræhenduntur qui Fragolinos Oppiano, atq; Aristoteli Erythrinos esse putant, quos Theodorus Gaza latine Rubeculas interpretatus est, quum ibi Athenæus Phagros Erythrinis comparet, qui sint genere diuersi, sed in ipso colore conueniant. Verum id me plurimum mouet, ut ab illorum opinione recedam, quod Aristoteles & Plinius Erythrinos, uel Rubeculas grauidas & plenas ouis, toto anni tempore capi asserant, quum in eo genere mares non sint. quod Fragolinis minime accidit, qui passim pluribus anni mensibus, sine ullo ouorum uestigio comeduntur. Illud quoq; accesserit ad confirmandam opinionem, nam dum grata palato Fragolinorum capita exurgimus, plerumq; tenuior lapillus dentibus importunus occurrit, sicuti Aristoteles & Plinius eorum capitibus inesse testantur. Videmus etiam eorum

cora



XIIII.

corda triquetrae figurae similia, ut antiqui prodidere. Pagri ex sententia Icesii uere ipso, Arcestrasti autem exortu Caniculae sunt praestantiores, nos autem hyeme eos longe sapidissimos experimur, sed ad summam saporis gratiam accersendam, ganeorum iudicio tres omnino conditiones requirere dicuntur, scilicet ut sint & recentes, & frixi & frigidi, ita tamen ut Arancii mali succo ac modico pipere torpescerent eorum pulpae aliqua ex parte molliantur, & excitentur.

De Salpa. Caput. XIIII.

**S**alpa piscium pulcherrimus nomen retinet, atque omnibus notus est, siquidem cum à ceruice in caudam per argentea latera, aureae, rubentesque lineae certis distinctae interuallis decentissime depingunt. unde Graeci antiquiores Mnasea Colophonio, quod poema uarium edidisset, Salpae cognomen indiderint. frequens est & procerus in Balearico mari & praesertim ad Ebussum insulam à copiosissimis salinis celebratam. appellatur ab aliquibus, ut Plinius auctor est, obscœnus piscis, quod percoqui non possit, nisi ferula uerberetur. Solitarius est paritque bis in anno Luporum more. Natura astutus esse perhibetur, & longe omnium liquidissime audit, aestate melior est, & è toto mari circa Mitylenem probatissimus. Caterum ille Arcestratus, qui



## C A P V T

qui in coquinaria à Græcis alter Theognis uel Hesiodus existimatus est, Salpam semper malum nobili carmine pronunciauit, ita ut mirum minime uideatur, si hodie quoque is piscis, qui tam operose atque eleganter à natura depingitur, ab optimatiū mensis, ut insulsus, & mendax sit repudiatus.

De Sargo. Caput. XV.

**I**N hæc maria Sargus non semper (quantum sit notus) enauigat, qui Brundusii Ennii Poëtæ testimonio, longe optimus habetur, præsertim si prægrandis fuerit, ii namque quos Romæ habemus, Auratâ magnitudine uix excedunt, quâ etiâ latitudine atque argenteis squamis referunt. Sargus autumno & uere parit, ut ait Aristoteles, is alios minime comitatur ueluti superbus. nullam inesse gratiam litoralibus, ait Plinius, quod mirum uidetur, quum is maxime circa litora capiatur, ut in libro de historiis animalium Ælianus latissime disseruit. ubi Sargos ait caprarum esse amatores, eosque propterea acile capi ad earum umbram, quam in extremis litorum marginibus, & scopulis collocatæ aduersus solares radios in æquora proiciant, & extendant atque ea specie. amore præferuidi facile alliciantur. Optimus est Sargus occidente Oryonis sydere tum enim uites foliorum honore spoliatur. Archestratus in popinalibus deliciis mihi sæpius allegan



# XVI.

gandus, Sargum sicca carnis esse, ac ob id assatum eum & calidū, caseo, acetoq; conditū probat, sicuti uno edicto omnes siccioris pulpæ pisces condien- dos præcipit. secus ac in præpinguibus & teneris sit necesse, qui solo sale atq; oleo inditis, in craticu- la sapidissime percoquuntur.

## De Capone. Caput. XVI.

**C**Apo litoribus nostris familiaris, Venetis au- tem ignotus, caput habet ualde magnum, & illud quidem enorme, quadratum, & nullis uesti- tum pulpis. Oculi in eo sunt admodum rigentes, extenta supercilia, os languidum, minuti dentes, sub mento autem oblongæ ac rubentes pinnae ad impexæ barbæ similitudinem. cætero autem corpo- ris trunco rotundus est & teres, decrescitq; in cau- dam æqualiter extenuatus quousq; in postremā de- sinat caudæ pinnam. Porro uentrem habet ualde candidum, sed puniceo colore Mulorum similis- dine uarieatum, dorsum autem flauescere potius quàm rubescere uidetur, Solidis quoq; & albican- tibus constat pulpis, sed qui tamen aliquanto salu- brior sit quàm sapidior, eruditioribus præsertim gnatonibus, qui illum ueluti aridiusculum asper- nantur. Reperiuntur et alii Capones qui bifurcata habent rostra, & dorsum osseis squamis armatum, quos in genere Caponū piscatores ipsi mares esse testan



# C A P V T

testantur. Ego autem aliud genus esse crediderim. Cæterum hæc est uera & expressa Caponis effigies, quæ dum piscium antiquiora uocabula quærirerem, mihi haud temere de singulis dubitanti, non mediocre negotium fecit, quum modo illum à magnitudine capitis de genere Capitonum alludente recenti nomine, esse putarem, modo Orphum ab oculorum aspectu & rubro colore, arbitrarer, modo Erythrinus, siue Rubecula ob eundem puniceum colorem esse uideretur. Nulla enim ex recenti gentium appellatione antiqui nominis coniectura adferebatur, ut pro certo possem aliquid eruditorum auribus dignum affirmare, quum Romani cum Caponem, Organum Ligures, Galli uero Roscettum, quod eorum lingua rubetum sonat, appellent. Sed Capitones de genere Mugilum, uanamq; subinde eius nominis coniecturam esse deprehendimus, sicuti existimare uidetur Volaterranus, qui imprudenter Caponem putauit esse Labeonem. Orphum uero maiorem esse piscem, & unica etiam traiectum spina, quod in cæteris rarissime accidit, & deniq; tardissime cum mori, si etiam cultro medius diuidatur, authoritate Æliani, Athenæi, & Oppiani clare constat. Erythrinum quoq; esse non posse eadem ratione apparet, qua opinionem de Pagro refellimus, quoniam is toto anno grauidus, ouisq; plenissimus ca



## XVI.

mus capiatur, Capones autem magna ex parte uentre uacuo reperiantur. Sed nos eum proculdubio de Mulorum genere esse putamus, parati mutare sententiam, si acutiores meliorem attulerint. Siquidem Mulū expressissime refert & capitis effigie & ipso colore puniceo, qui nullis aliis in piscibus excepto Capone, & Mulo, ea claritate conspiciatur. Aliqui enim barbam habent, qui barbati et barbatuli à multis & præsertim à Cicerone dicuntur. Quod autem duo sint Mulorū genera apud Athenæum plane perspicitur. anteposit enim barbatū Mulum imberbi Mulo, sicuti Sophron poeta iudicabat. Plinius quoque id Muli genus, quod est diuersum ab his qui gemina barba capillari insigniuntur Alutarium appellauit, quod barbatorum comparatione uilissimum erat. Volaterranus in hoc decipere uisus est, quoniam Mulos barbatos eos esse quos uulgus Barbos uocat, arbitratur, Barbos scilicet uiuaces illos & ab ouorum malicia ualde noxios, quum Barbatus sit marinus, hic uero Barbus sit fluuiialis. ab Ausonio enim Barbus uiuax celebratur, qui etiam eo argumento quod tarde moriatur, de genere Mulorum barbatorum esse non potest, quoniam Muli teste Plinio, sicuti & nos sæpius uidimus, cum primū extracti retibus fuerint, protinus expirent, contra uero Barbi uenales in lacubus ligneis

e

gneis



## C A P V T

gneis, ut in Ticinensi foro uidere est, diutissime uiuant. An autē Alutarius is sit qui Capo nuncupatur, in medio relinquemus. Nec etiam absurdum foret, si pro Capone Cytharus acciperetur. Natura enim qualitateq; pulparum, ut Galenus innuit, Cytharum à Capone non multum differre deprehendimus.

### De Laccia. Caput XVII.

**L**accia piscis Romanæ Academiæ doctissimos quosq; diu torsit, quū in urbe longe sapientissimus haberetur, nec facile reperirent quo nam latino uocabulo foret appellandus, adeo ut ipse Pōponius Lætus grammaticorū eius ætatis princeps & Platina idem ab ingenii monumentis & diligēs historicus & cocus industrius, temere Lupum esse crediderint, duplici quidē errore, quando & quid Laccia antiquitus fuerit, & qui sit hodie Lupus Tyberinus, penitus ignorasse uideantur. Is piscis subtilissimis contectus est squamis & argenteo fulgore conspicuus, pulparum uero mollicie, saporeq; admodū delicatus, uerum adeo frequentibus ac molestis spinulis præteneræ eius carnes impediuntur ut in conuiujs illarum tædio atq; periculo summæ suauitatis gratiam amittant. Subeunt Laciæ Tyberim amnem ad prima ueris signa, sed tum strigose & ab quadam marinæ salsuginis ariditate parum  
amabiles



## XVII.

amabiles, quæ mox paucorum dierum mora Tyberinis in undis mirifice pinguescunt, raro cubitalem superant magnitudinē, et incipiente statim æstate in maria reuertuntur, sic ut reliquo tēpore rarissime appareant. Præter ipsum Tyberim, Arnus, & Umbro in Etruria, in Campania uero Liris et Vulturinus laudatissimas præbent, in Pado quoq; reperiuntur haud ignobiles, in Gallia uero, Hispaniaeq; annibus longe maxima, sed quas sapientiores parasiti Tyberinis minime esse comparandas existiment. Hispani Saualos, Alosas Galli & Campani Etrusci autem & Veneti uetere seruato noīe Clupeas appellant: apud Aristotelem uero, Strabonem Aelianum, Oppianū, & Athenæum Thrissas legere est, quam uocē Alosam interpretantur Theodorus Gaza & Gregorius Tiphernas, ita ut idem esse & Thrissam & Alosam, & Clupeam, quam modo Romani Lacciam appellent, manifeste appareat, quoniam Ausonii Poëtæ Alosa, quum dicit:

Stridentesq; focis obsonia plebis Alosas,  
 Romanæ Laccia, uti Galli refrunt oīno simillima  
 sit, et Clupeæ Venetæ atq; Etruscæ, idem esse cum  
 Lacciis censeantur. Verbanus Lacus, q̄ hodie maior  
 cognomine nuncupatur, item & ipse Larius  
 Acones pisces ferunt, effigie ac sapore Lacciis  
 e. 2 persimil



# C A P V T

persimiles, uerum magnitudine inferiores, utpote  
qui ad summum, pedalem mensuram non excedant.  
uere quoq; sunt graciles natura à Lacciis plurimū  
diuersa, autumnō autem q̄ optimi, neq; illud obste-  
rit quod à plerisq; dicitur, Clupeam eandē & Lac-  
ciam esse non posse, quando Clupea tantæ (ut ui-  
demus si Laccia sit) nobilitatis piscis, ab antiquis au-  
thoribus latinis parum celebratus esse uideatur :  
Nam unus mihi pro omnibus Ennius poëta amo-  
plissime satisfacit quum dicit :

Omnibus ut Clupea præstat, Mustela marina,  
Mures sunt Aeni, aspera ostrea plurima Abydi,  
Mus Mitylenæ est.

Celebrat etiam alios pisces, sicuti uidere est in his  
carminibus quos Apuleius in Apologetico citauit.  
Id uero accidisse crediderim, quoniam Clupea to-  
to ferme anno delitescant, tantumq; per angusto il-  
lo adolescentis ueris tempore, quo solum insigni sa-  
pore præsent, ueluti in ostentationem sui, amnes  
subeundo capiantur, ita, ut acute & perurbane di-  
xerit Hieronymus Vida idem summus & religio-  
sissimus poëta, quum in conuiuio de Polyporum, Lu-  
porumq; prudentia differeretur, neminem Clupea  
piscem prudentiorem sibi uideri, quoniam non alias,  
nisi quum obesus esset, appareret, & quidem oppor-  
tunissimo tempore, quando uere ipso, per sacras le-



# XVIII.

ges sublati carniū obsoniis, ipsi pisces in summo honore à Christianis habeantur. Cæterum Laccie uberrime nutriunt, sed glutinosioris alimenti excrementa in stomachis non facile atteruntur, propterea ab ipsis exhalationibus intempestiuam somnolentiam inducere, et sitim augere existimantur, præsertim si appetentibus ad explenda uel mediocris etiam gulæ desideria minime defuerint, quod paucis, uel certe ipsis tantū è summo ordine nobilibus, ob eius piscis graue pretium, raritatēq; contingit.

## De Trigla Caput XVIII.

**L**Atini ueteres Triglam a Græcis appellatā, Mulum uocauere, a colore Muleorum calciamentorum, quæ languidum ruborem illum, uti in Persici & Ciclamini herbae inuersis foliis conspicimus, repræsentat, ut referente Plinio, Fenestella existimauit. Triglae uero nomen ob id a Græcis fuisse inditum, quod Dianæ Hecati dicaretur, quæ sit triformis. unde Virgilius dixerit, tria uirginis ora Dianæ. Ea uero de causa Dianæ sacrificari testatur Athenæus, quoniam Triglae Lepores marinos hominibus mortiferos, uti uenatici canes uenatricis deæ auspiciis persequantur. Eam Romani hodie, quum iam uetus Latinum Muli nomen exoleuerit, Græco uocabulo Triglam appellant. fuit is antiquorum prodigio luxu adeo insignis & preti



# C A P V T

osus, ut sæpius argenti puri pondere à priuatis etiam Quiritibus emeretur, quum pedis longitudinē superaret. Galenus ut erat acerrimus Romanæ luxuriæ castigator, unius eius piscis æstimatione plerumq; miratus est eorū gulam, qui tantulum piscem tanti emerent, cui eruditi ganeones subtilissime respondebant, proceriores propterea quæri, q̃ in maioribus & maiora capita & ampliora iecinora, ad condenda uaria pulmenta inuenirentur, ut ex Horatiano carmine, quum dicit:

Mulum in singula quē minuas pulmēta necesse est.  
Et ex Plinii uerbis, qui alecem ex iecinoribus Mulorum confici affirmat, manifeste heprehenditur. Trigla ter in anno parit, nec amplius, quoniā ter foetis uermiculus innascatur, qui genitalia semina protinus abrodat. Triglae admodū sunt uoraces, ita ut humanis etiam cadaueribus uescantur, sicuti in hanc sententiam expressit Oppianus, quū dicit:  
Trigla uorat fœdas sordes, & mergit in aluum  
Omnes illuues ponti.

Probantur Muli qui barbati sunt duplici crine a mento defluente: altera species ignobilis, Alutariū uocatur: in Thasi insulæ litoribus optimi & maximi euadunt, apud nos hyeme & suburbano in mari capti maxime laudantur. Ligusticis enim & Venetis, itēq; Neapolitanis nō ea saporis gratia, quanq̃  
sæpe



# XVIII.

sepe multo grandiores in conuiuia ueniant. Gale-  
 nus ait Trigla carne neq; pingue, neq; lentam, aut  
 uiscosam esse, sed duram atq; friabilem, propterea  
 gratam gustui, & digestionem facilem, et in genere  
 alimenti naturæ hominum congruentem & maxime  
 accommodatam, sed eam Plinius neruis inutilem exis-  
 timauit, recte atq; salubriter in craticula coquitur  
 quæ longe sapidior erit, si petroselini subfrixæ fo-  
 lia atq; instillatus cum oleo Aracinus succus acceffe-  
 rint. Apitius nepotum ille maximus gurgis in Ga-  
 ro, quod ex salitorum Scombrorum muria liquamẽ  
 erat, uiuos Mulos, ut sapidiores euaderent, eneca-  
 uit. Triglam si in uino suffocetur, idq; a uiro proti-  
 nus ebibatur, impediendæ Veneris potestatem ha-  
 bere Athenæus, autoritate Therpsiclis affirma-  
 uit, qui & mulieres quoq; si illud itidem potaue-  
 rint, minime posse concipere testatus est.

De Sauro, Trachuro, & Sombro.

Caput XVIII.

**S**AURUS antiquum nomen adhuc retinet, nec pe-  
 dis magnitudinẽ excedit, minores fricturæ no-  
 mine ueniunt. Sunt enim multa piscium genera,  
 quæ ob paruitatem in sartagine frictoria feruenti  
 oleo coquuntur, sicut Trigla, Boca, Sombri, Tra-  
 churi, Pagri, & Aurata, & propterea uno no-

e 4 mine



# C A P V T

mine frictura uulgariter appellantur. Sauros Galenus à carnum mediocritate laudauit, quod mediæ sint inter duras & molliores, Athenæus quoq; eos sapidissimos esse ait, si exemptis branchiis, caseo, sale, atq; origano condiantur. Trachina & ipsa etiã in fricturæ numerum refertur, quam Trachurū, ut Oppiano uidetur, esse putamus, uel ut Athenæo placet, Trachidā eo argumento, quod infestam & prope lætalem spinam in ceruicibus habeat, & binas item alias & quidem acutissimas ab auribus prominentes. Hic piscis oblongus est ac tenuis & falcatus in uentrem, cuius latera lineæ frequentes & obliquæ uergentes ad cæruleum colorem pulcherrime describunt. Scombrum uero nostri Lacertum appellant, qui à Venetis antiquo nomine nuncupatur, Cornelius quoq; Celsus eum pro Lacerto accipere uidetur, ex quo Salsamentum fieri ait, interpretes etiam Galeni antiquior & ineptior Saurum, Lacertum perperam appellauit. Scombri & oblongi & exiles sunt, & sulphureo colore conspiciui, præsertim quum in aquis uagantur, uere pinguescunt, quo tempore Venetiis inter delicatiora obsonia reputantur. Romæ autem ab innata quadã siccitate sunt ignobiles, Icesius minores Scōbros maioribus anteposit, quos bono succo nutrire uētres autumat, sed q̄ tamē difficilis secretionis habeatur.

De Asello



## De Asello &amp; Merula Caput. XX.

**A**sellum proprio nomine Ligures, Romani uero Scarmum & Merluzum appellant, capite est admodum lato, pressoque, ut in Gobiis uidemus, ore autem maxime denticulato ac patulo. cetero corpore est oblongior, squamæ sunt admodum minutæ & uergentes ad cinereum colorem, sicuti in asellis quadrupedibus cōspicimus. M. enim Varro Merulam, Turdum, Umbramque, & Asellum à colore quem referant, ait appellari. Aselli dū æstiu soles feruescunt, ardoris impatientia latitant, sicuti Glaucus & Aurata, nec quoties pariant, inueniri potuit, ut ait Aristoteles. Eorum genera sunt duo, maiores Banchi, qui in bipedalem magnitudinem augentur, & minores quos Callarias uocant, Plinius eos in capite lapillum gerere & delicatos esse commemorat, Galenus uero cum saxatilibus æqualē habere carnem attestatur: sunt & Turdi subuiridi colore & frequentibus guttis, ut in uolucris uidemus, uariiegati atque insignes, itemque Merulæ, Coccyges à Græcis appellatæ, quæ ab medio quodam colore inter atrum atque subfuluum Merulis auibus assimilantur, sed in Aquatiliū genere, non eam habent saporis nobilitatem, quam Turdis ac Merulis auibus ueteres attribuerent. Siquidem & Turdi admodum insulsi sunt, & Merulæ ut Athe-



## C A P V T

neus ait, difficillime concoquuntur, in quarum conditura Archestratus ille poeta parasitus cum caseo, maloq; granato & sale atq; oleo Silphium admiscuit, quod, ut Hermolao placet, Laserpitii genus est, sed quomodo is succus concretus & odoratus in conditura piscium conuenire possit, alii uiderint. Sunt & Phycides Tincarum uiridium colorem atq; effigiem referentes (Fici uulgo nuncupantur) qui procerum patinas raro implent, quum insipidissimi sint.

De Boca. Caput. XXI.

**D**orsum picturatum habet Boca, piscis notus omnibus ferme litoribus, atq; uno tantum noie nuncupatus, dictus est à uoce, propterea quod sacer sit Mercurio eloquentiæ deo. sicuti Cytharus Apollini, Dianæ Trigla, Libero patri Citulus, Veneri Apua, & ipsi Neptuno Pompilus nauigiorum comes. Aristophanes autem Byzantius, ut Athenæo placet, Bocam potius Boopam appellari debuisse asserit, quoniam is piscis prægrandes habeat oculos, sicuti & Silurum, potius Sciurum à crebro motu caudæ nuncuparit. Cæterum Bocæ fecundissimæ sunt, & gregatim capiuntur, solentq; eas piscatores in oleo acetoq; semicoctas cum myrto plurima in canistris asseruare, quæ postmodum in remotissimas à mari Italiæ regiones mercimo



## XXII.

cimonii causa deferuntur.

De Gobio. Caput. XXII.

**G**obio uel Gobius Venetiis frequens & pin-  
gui teneritudine delicatus, rarissime Romæ  
conspicitur, pro squamis uariam cutem habet &  
ualde lubricā. candicantes nigris, Plinto authore,  
præferuntur, uirides autē sunt pessimi, semipedalē  
longitudinē nō excedunt, circa litora parere solēt  
ut Aristoteli placet, & uadoso potius in mari ac  
æstuariis q̄ in alto, uel ubi fluctus scopulis allidun-  
tur, q̄q̄ & eius generis maiores sint ex saxatili ge-  
nere, quos & Caulinos & Cothonas, ut Hermolao  
uidetur, Siculi uocauere. Icesius Gobios multi esse  
succī & facilis digestionis asserit, sed qui & exi-  
guū simul & malū præbeant nutrimentū. Galenus  
autē dicit Gobiones circa arenosa litora & saxo-  
sa promontoria esse & gustui gratos, & in prima  
& secunda digestionē facile secerni. contra uero q̄  
ostiis fluuiorū & stagnis caperētur, ualde detesta-  
biles. Sunt etiā fluuiales Gobii ex Verbano præfer-  
tim & Lario lacubus, q̄ insignes habētur, ipsis ieci-  
noribus palato gratissimis, eos et Strincios et Bote-  
trissias Insubres appellāt. in Etruria quoq; in Ma-  
rina præsertim amniculo, q̄ ex Apēnini iugis apud  
Pratum oppidū in Arnū euoluitur, locii sunt pi-  
sciculi delictiores Gobionibus admodū similes, q̄  
quum



## C A P V T

quum effigiem illam mire exprimant, etiam in tantula carne eundem saporem habent.

### De Scorpena Caput XXIII.

**S**corpionem & Scorpenam Aristoteles diuersos facere uidetur: idem et putauit Athenæus qui citat Aristotelem: unde Hermolaus quoque ipse in corollario nihil pro certo affirmarit. Cæterum Scorpenam ferme omnes uernaculo nomine nuncupamus piscem subrufum, uariumque et multis armatum aculeis, cute autem minime squamea, sed Gobionis similitudine lubrica, qui ut ait Ambrosius, uenato aculeo sit truculentus, eorum unum genus pelagium est, alterum palustre, illi rufescunt, ii uero nigricant, qui & minus probantur. Pariunt bis in anno, in uniuersum Icesii auctoritate uentrem leniunt, facile secernuntur, & quum multo abundant succo, multum etiam alimenti præbent. Epicharmus in nuptiis Hebes Scorpenam ait, esse solitarium & marina uesci alga, minores qui semipedalem longitudinem non excedunt, maioribus anteponuntur iudicio Archestrati, qui fuit obsoniorum structor longe subtilissimus.

### De Perca & Melanuro.

#### Caput XXIIII.

**P**ercas pelagias Romæ raro uidemus, assimulantur hæc Mænis ipsis, quæ hodie Menulæ dicuntur



XXIIII.

dicuntur, nam subfurvas habent Zonas, quibus ip-  
sæ toto corpore squamosæ, & argenteæ distingun-  
tur, in dorso impares eminent aculei tenui inter se  
membrana coniuncti. Propterea Athenæus Percā  
ait spinis esse coronatam, & insigni uarietate con-  
spiciam. Pulchræ quidem sunt, gratæq; gustui, &  
languentibus salubres. Plinius inter saxatiles eas  
connumerat, & ex iis qui hyeme capiuntur. Dux  
& magister Percarum est Melanurus, qui alio no-  
mine Oculata dicitur à magnitudine oculi, ut The-  
odorus interpretatur, uarius est & frequentibus  
guttis conspersus, non absimilis Auratæ, uerum na-  
tura, ut Aeliano placet, piscium & timidissimus  
idem & cautiissimus, nam ex ipsa maris tranquillia-  
tate piscatorum aduentum præcognoscit, mergitq;  
se profundissimo mari, si uero in summas aquas fu-  
erit enatandum, agit circa scopulos & mira sagaci-  
tate in spumis latitat, quas infracti scopulis flu-  
ctus continue excitant. Cornelius Celsus Oculatā  
in genere alimenti maxime probauit. Numenius ue-  
ro Melanuros uim obstruendarum uenarum habe-  
re, & multo Sargis sapore & succo inferiores esse  
testatur, ita ut Melanurus alius ab oculata esse ui-  
deatur, sicuti sensisse Plinium putamus, qui Ocula-  
tam Soleis atq; Passeribus admiscuit, et in eodē uer-  
su utriusq; mentionem separatim facit, quod et di-  
ligen.



## C A P V T

ligentissimus Hermolaus animaduertit, quum in hoc pisce aut Plinium, aut Theodorum errauisse arbitraretur. Id uero Gazam mouere potuit, quoniam Aristoteles quum de Scaro mentionē faceret, semper Melanurum illi coniunxit, idemque fecisse Celsus uideretur. nam Scarum semper cum Oculata nominauit, quasi quum Melanurum dictionē græcam reformidaret, Oculatam pro Melanuro substituerit. qui piscis à Latinis, uti hodie Venetiis & alibi Ochialis propter oculorum magnitudinē nuncupatur, non autem is à nigricie caudæ, sicuti Græci appellabant, Nigricauda uel Atricilla uocetur. Sed Melanurus, qui Neapoli frequens est, Romæ raro conspicitur. sic ut nemini mirum esse debeat, si eius ueram effigiem instituto picturæ opere minime referemus. Caterum Perca, ut ait Aristoteles, in fluuiis & lacubus etiam uersantur. Ii quoque hodie in Gallia summam obtinent dignitatem alendis febricitantibus, appellantque eos Galli antiquo nomine Percas, quos celebravit Ausonius Gallus, quum dixit in Mosella.

Nec te delitias mensarum Perca silebo  
Amnigenas inter pisces dignande marinis,  
Solut pumiceis facilis contendere Mulis.

In Italia autē laudatissimi sunt è Lario lacu, quos Nouocomenses ipsi Percecos appellant. eos fama  
est fu



XXIIII.

est fuisse aduectitios, et inquilinos tralatis scilicet  
seminibus è lacu Eupyli, qui Lambrũ emittit annẽ  
ut meminit Benedictus Iouius frater in Larianis  
Lusibus ad Minium Caluum:

Eupylis exigua sum Percecus ortus in unda,

Meg; peregrinum Larius inde tulit.

Sed Eupylis multo minores, q̃ Larius Percecos pro  
ducit, quoniam magna ex parte uel influentium a-  
quarum defectu, uel occultiore aliquo hiatu terræ  
haustus multis ante annis exaruit, abiitq; in tres  
minores lacus aquis in depressiora loca subsidentia  
bus, qui à Licino foro uetere oppido, quod et ipsum  
interiit, plebis Licini Lacus hodie nuncupantur.  
In Lario Percæ ad pedalem crescunt magnitudi-  
nem, croceas pinnas habent, & maturescantibus  
præsertim uuis ab ipso pingui & præteneris intera-  
neis magnopere cõmendantur. Medici fere omnes  
Galliæ Cisalpinæ Percas ægris robustioribus ap-  
ponere non dubitant, præsertim si crudarum uua-  
rum succo, quem agrestam uocant, diligentissime  
condiantur. Diocles quoq; Medicus in libro de sa-  
lubribus, ut Athenæo placet, Percam è saxatilibus  
qui molliores habeant carnes, ut sient Turdi, Me-  
rula, Gobii, & Phycides, plurimum laudauit.

De Rhombo & Passere.

Caput. XXV.

Haec



# C A P V T

**H**Aftenus de squamosis piscibus, nunc de planis agemus, qui spinas habent, et de his quæ ab Aristotele Selachies, quod spinis careant & a Plinio carthilaginata appellatur. In his principatum obtinet Rhombus, sic dictus fortasse ab instrumento Theſſalico magico, quod Rhombum .i. rotundum sit: est enim hic piscis longe latissimus & ouali figura rotundior, quæ forma in instruendis aciebus Rhombi nomine a scriptoribus rei militaris appellatur, unde Martialis:

Quamuis lata gerat patella Rhombum,  
Rhombus latior est tamen patella.

Græci authores Rhombum Psittæ nomine uocarunt ita ut Psitta genus ad Rhombum, Passerem & Soleam esse uideatur. Aristoteles namque Rhombi nusquam meminit, sed Passeres, sic hodie nuncupati a Romanis magnitudine, saporeque, & figura etiam oblongiore a Rhombis differunt, in eo quoque dissimiles, quoniam dexter situs sit resupinus Rhombis, leuus autem Passeribus & Soleis. Cæterum Rhombus inter planos obtinet principatum, quem nobilis quidam aulæ procerum circa popinales delicias ingeniosissimus aquatilis Phasianum appellare solebat, non absurda quidem comparatione, sicuti & Soleas Externis, Lampetras Coturnicibus, Lupos altioribus Capis, Sturiones uero Pauonibus adæquauit,  
ut ex



## XXVI.

ut ex coquinaris commentariis, quæ eius coci nomine circumferuntur, licet intueri. Capitur Rhombus toto anno, & circa pinguiorem arenam & arenulas, extremasque litorum margines natat transuersus, conuoluitque se certis flexibus Strabonũ more, ut situs oculorum uitium emendet, suaque potius latitudine quam pinnarum adminiculo fretus cursum dirigit, omnium profecto & temporum & locorum piscis, idemque & delicatus & salubris, hyeme tamen quam æstate, & in Italia Rauennæ, quam alibi multo laudatior. Rhomborum pulpæ sunt candidæ, & presso quodam humore succulentæ, quæ affatim et salubriter alunt, modo in prima concoctione quæ celebratur in stomacho, superflue earum partes perfectissime secernantur. Galenus in alendis conualescentibus Rhombos in iure simplici cum modico sale, porris & aneto intritis percoquebat. Sanis autem & his qui sensum appetentis stomachi deiectum habuissent, tostos in crate, acetoque conspersos, uel frixos cum Garo, ac uino appondere consuevit.

## De Solea. Caput. XXVI.

SEquitur Solea, Lingulaca à M. Varrone nuncupata, ab Athenæo autem Buglossus, quod bovinæ linguae effigiem imitetur, hodie in lautioribus conuiuiis in summa etiam cæterorum piscium

f copia



## C A P V T

copia, magnam obtinet claritatem. Probatur hyeme & frixa Arancii mali succo, piperēq; conſperſa. Maxima in Belgicis Oceani litoribus reperitur, noſtrates pedalem longitudinem raro ſuperant. Solea maleficos piſces deſugiunt, eaq; ſolum frequentant loca, in qua bellua minime accedunt, ita ut argumento ſint maleficos non eſſe, ubi ipſa, ueluti ſoluta metu uagentur. Solea leuiſſimum adgenerat nutrimentum in ſtomacho, facile concoquitur, & in ſecundis uenarum & iecinoris digeſtionibus nulla ferme noxiarum ſuperfluitatum excrementa relinquit.

De Citula, ſiue ſancti Petri piſce.

Caput. XXVII.

**P**iſcem e genere planorum, ſimilitudine Iſtrici ipſa dorſi acie aculeatum, capite extento ore latiffimo, cuius maxilla ex perſpicua membrana conſtare uidentur. Romani Citulam & ſancti Petri piſcem uti & Veneti, Ligures autem Zaphirum appellant. Sunt in eius utroq; latere gemini orbes, qui bina imprimantium digitorum ueſtigia eſſe uidentur. Sapore, pretio, & effigie, ſi caput abſcideris, ipſi Rhombo perſimilis. Quo autem nomine Latini ueteres Graeci; illum appellarint, pro conſtanti affirmare non auſim. Quibusdam uidetur eſſe Chalchis de genere Rhomborum apud

Colu



# XXVIII.

Columellam. Putavi ego illum esse Achantiam, qui sit de genere Galeorum apud Athenæum, sic dictus quod spinosus sit, & certe si Galei prolem ore suscipiunt, ut eam ab inuadentiū piscium iniuria tueantur, hic piscis ante omnes, os habet aptissimū, ut ea pietatis in filios officia cōmodissime præstetur. Acanthæ certe Oppiano è genere Galeorum sunt & aculeati, sed is fortasse est, qui a nobis Columbus piscis appellatur, infimæ plebis obsonium, q̄ oblongus est, & Carthilaginatus, spinamq; habet in dorso. Aliquando quoq; dubitavi, an esset Cytharus, quē sæpius Galenus cū Rhombo nominavit, asserens Rhombos sapidiores et meliores esse Cytharis, ut manifeste in mensa utriusq; collatione deprehendimus: Inuenio tamen apud Athenæum piscem Citulum dicari Libero patri, sicuti Cytharum Apollini, Triglam Hecati, Apuam Veneri, qui si nominis coniecturam sequemur, profecto Citula Romanus antiquorum Græcorum Citulus esse poterit.

## De Torpedine Caput. XXVIII.

**T**Orpedo effigie, potestateq; admirabilis, sic dicitur, quoniam capta in retibus, priusquam attingatur, piscatorum manus stupefaciat, propterea Veneti eam Sgramfum quod est torpescentis membri affectus appellant, Romani autem modo



# C A P V T

Battipotam, modo Foterisiam, frequētius uero Oculatellam dicunt, quod in eius dorso quinque ocellos subnigros ipsa natura depinxerit. Subrufa est pro na parte, supina autē candida. Auerroes, caterique philosophi Torpedinē ea qualitate manus adficere, qua ferrum a magnete lapide pertrahatur, existimarūt: At Galenus Torpedinē inter pisces, quibus uescimur in. 3. de Alimentis nominauit, quā ea hodie a plebe, egentissimisque hoībus tantum comedatur.

De Raia, & aliis Caput. XXIX.

**S**Vnt etiam ē planis Raia, & Squatina, & itē compositi ex utriusque Rhinobates, siue Squatraria, quæ fœdæ sunt aspectu, atque esu admodum iniucundæ, quum inter sordidæ plebis atque pastorū obsonia censeantur. Ratarum fel auribus sanandis aptissimū est. Squatinarum autē scabrum tegumentum ad poliendum ebur propter asperitatem ab artificibus expetitur: ex eo cultellorum & falcatorū ensium uaginas Turcæ, Barbarique maritimi admodum pulchras conficere solent, quas Sagrinas appellant. Est etiam huius generis Pastinaca, idē & Turtur, & Trigon, quæ a mortifero aculeo lethalis ab Oppiano dicitur, quo Ulysses ictus a filio perierit, hodie Bruccus dicta. Hæc simul & Raia et supra citati pisces ē mustellino sunt genere, prolem tamen ore (ut alii solent eius speciei) suscipere nequeunt.



## XXX.

queunt propter caudarum asperitatem.

## De Congro Caput XXX.

**P**ost planos pisces oblongi & lubrici citabuntur, & ante alios Conger subalbus, & teres qui ingentis Anguillæ speciem præfert. Hunc Icesius ait omnibus gregalibus piscibus duriores, & ob raritatem carniū tenuissime nutrire, neque laudabilem præbere succum, eum tamen stomacho minime esse molestum, aut incommodum, Idq; Galenus affirmat, qui dicit Congros parum asferre nutrimenti, cæterum facillime eorum carnes digeri, atq; secerni, ita ut mirer Albertum magnū, quum dicit Congros natia quadam proprietate lepram morbum generare. Congros in immensam crescere magnitudinē apud Sicyonem Peloponnesiam Eudoxus tradit, ita ut currum longitudine superent. Porro Archestratus in lib. de legibus uētris, Congros in Italia longe optimos iudicauit, quod mihi nequaquam uerisimile uidetur. Quando neq; hodie aulæ principes, neq; ipsi cupediore Congrum magnifaciant, soli q; Hispani Romanæ urbis inquilini eum exoticis quibusdam pultariis incoctum, in summo honore habere uideantur.

## De Murena Caput XXXI.

**M**urenae toto mari sunt frequentes, sed in Siculo longe maximæ, atq; optimæ, eas Columella



## C A P V T

*lumella flutis appellauit, quod summis in aquis fluitent, unde accidat, ut in nimis solis ardoribus exusta cute sese mergere nequeant, amissaq; flexuosi motus agilitate capiantur. Sunt maculosæ, et in collo aliquot stellas ad formam septentrionis habere dicuntur, quæ statim morientibus euanescent. Mira in his sagacitas, nam ut se captas sensere, hamū auidissime deuorant, dentibusq; lineam protinus abrodunt, & effugiunt. Veteres Romanos a uiuacitate potius q̃ a saporis præcellentia Murenas æstimasse crediderim, quoniā magna eorum copia in cotidianos usus, uiuariis inclusa diutissime poterat asseruari, cæteris piscibus, aut tedio carceris, aut uitio piscinarum facile pereuntibus. Constat enim C. Hirceium ex uiuariis epulo triumphali, dictatori Cæsari sex milia Murenarū mutua appendisse. Mansuescunt, & de manu hominis escam accipiūt. Crassus ille cognomento diues Murenam altilem adamauit, adeo ut fato functam aliquando luxerit, & tumulto indiderit. Extat quoq; illud salissimum Crassi dictum, quum L. Domitio admodū ridenti, atq; admiranti, quod mortuā defleret Murenam, respondit mirum quidē esse quod extinctum piscē lachrymis prosequeretur, sed multo quidē admirabilius, quod ipse tres a se elatas uxores, non lugeret. Extulerat enim tres uxores Domitius, quas quidē*

*ueneno*



## XXXI.

ueneno, ut dotibus potiretur, sustulisse dicebatur. Aliquæ etiam scæminæ in delitiis Murenas habuerunt, ut Antonia Drusi, quæ uni spectatæ mansuetudinis gemmatas in aures addidit. Vescuntur humanis carnibus Murenæ, idq; Vedii Pollionis crudelitate uerū esse apparuit, q̄ damnatos seruos in uisuarium demergebat, ut illi non extemplo, sed paulatim in minutissimas discerpti partes Murenarū morsibus absumerentur. Ferunt Murenas in cauda uitalem spiritū habere, propterea illas aliquanto celerius interimi, si in extrema caudæ parte potius q̄ in capite fustibus uerberentur. Sanga Romanus poëta lepidus, cuius beneficio Athenæum latinum legimus, quū Pyrgorū in litore piscaremur, docuit Murenas ab antiquis exossari Plauti autoritate ut eorum carnes nullis impeditæ spinis gratiores redderentur, ingentēq; ille Murenā binis bacillis utraq; manu comprehensis mediam astringendo, detergendoq; recte & festiue admodū exossauit. Serpentes cum Murenis coire, quas sibilo è profundis in litus euocēt, diuus Ambrosius & cōplures antiquorū tradunt, cui opinioni Athenæus refragatur autoritate Andree, qui de his quæ falso creduntur librum edidit. Murenæ toto anno pariunt, estq; de genere earū Murus robustior, & grandior, & unicolor Larici ligno, colore persimilis, ut

f 4      Aristo



## C A P V T

Aristoteli uidetur, quem Myrinum Plinius appellat. Inuenitur & Murena fluuiialis multo minor, quæ unam tantum habet spinam, & Gallaria, auctoritate Dorionis ab Athenæo nuncupatur, ita ut arbitrer hanc minorem Murenâ intelligere uoluisse Athenæum pro ea, quæ à nobis Lampetra uocitetur, sed de hoc mox diffuse differemus. Murenarum carnes non minus nutriunt, quàm Anguillarum atque Congrorum, ut Icesius asserit: Verum ab duritie quadam innata & ex tenaci humore laboriosissime digeruntur, sed à lactibus eximiis summam commendationem accipiunt, quibus Heliogabalum Cæsarem insana prodigalitate, quum in mediterraneis esset, aulam omnem, ac rusticos pauisse Lampridius in historiis affirmavit.

De Acu Caput XXXII.

**E**st & Acus de longorū genere, quæ a Græcis Rhaphis & Bellona dicitur, rostrum habet Gruis, uel Ciconiæ similitudine, colorem uero argenteum, spinam autem, ut Albertus magnus annotauit, uiridis coloris: hic piscis sero parit, & per æstatem tantum, utero dehiscente tempore partus, secus ac cæteris accidat piscibus, qui ipso uulua foramine pariunt, ut Aristoteles existimauit. Humidum, bonumque succum eius carnes præbent, sed tardiuscule cæterorum cōparatione concoquuntur.

De An



## XXXIII.

## De Anguilla Caput. XXXIII.

**A**nguillas, quod anguibus assimilentur M. Varro dictas existimauit: nascuntur ex limo, algarumq; putredine imis in lacubus et fluuiis nullo coitu, nullaq; foetura, ut ait Aristoteles: uiuacissimæ sunt, quoniam branchias habent perangustas, unde etiam fit, ut turbidas aquas difficillime tolerent. Reperiuntur & in mari Anguillæ secundis amnibus deuectæ secus ac aliis contingat piscibus, qui è mari subire amnes, allecti aquarum dulcedine consueuerunt: & eæ quidem multo sapidiores uidentur, q̃ ipsæ prognatæ, nutritæq; in amnibus, ueluti quæ uiscosum, lentumq; illum habitum penitus exuant salsarum aquarum egregio temperamento Neq; tamen credendū est, in alto ac profundo mari dulciore deesse humorē, quo maxime pisces foueantur: Nam ut ait Aristoteles, in profundis uadis aquarum dulcium uenæ perennes existunt, & in ipsa marinarum aquarum mole portio certa dulciore humoris reperitur, quum maris aqua, neq; simplex sit, neque, ut aliqui uoluerunt, purū elementū argumento sunt uasa cerea è nauigiis in altum demissa, quæ paucarum horarū spatium dulci aqua permeatus subtilissimos recepta, manifestissime replentur, ut Democritus ante Aristotelem, & utroq; posterior Theophrastus experimento deprehenderūt



## C A P V T

*Cæterum Anguillæ in mari rarissime, frequenter uero in omnibus ferme fluuiis ac lacubus Italiae capiuntur. Sed ingentes & sapidissimas alit Vulsinensis lacus, quarum incredibilem multitudinem capuidimus, in excipulis ad egressum Martæ amnis fabricatis, cum Alexander Farnesius Cardinalis Leonæ pontificæ in eam amœnissimam regionem ab urbe uenandi studio secedentem regali magnificentia suscepisset. Anguillas omni ex loco, omniq; tempore & præsertim circa solstitium Medici detestantur. Stomachis enim & renibus sunt inimicæ, sed præcipuum sentiunt nocumentum ex earum obsoniis, quæ arenulas mingere consueuerunt, quoniam illæ anguillari glutino in calculos cogi et astringi uideantur. Podagra quoq; laborantibus manifeste officiunt, nec ullis morbis medentur, sic ut inique fecisse natura uideatur, quæ tam suauem refutandis, expuendisq; piscibus saporem indiderit. Cæterum Anguillas minime noxias, sed quæ propter exilitatem commodè ueribus torreretur non possint, gignit serius Cremensis agri fluuiolus, qui in Adduam excurrens Vidæ poëtæ paternas possessiones interluit.*

*De Lampetra Caput XXXIII.*

*S*ubeunt Arnium, & Tyberim Lampetræ, atq; Sin his præsertim annibus ad generosum habitum adulescunt, Anguillis, uel paruis potius Murenis.



XXIIII.

renis assimilantur: sunt enim lubricæ, & nigricantes, tendente tamen earū parte prona ad cœruleū colorē, utroq; autē gutturis latere foraminulentæ, si quidē septenis paribus fistulis mirabili ordine a natura fabricatis acceptam aquā emittunt, quum branchiis omnino careant, nec cubitalem excedere magnitudinē soleant. Omnibus autē Gallia Cisalpina riuulis, ipsisq; præsertim Ticini, atq; Adduæ emissariis multæ reperiuntur pretiosæ admodum, quanq̃ minimi digiti crassitudinē rarissime superent. Sed Romanis præcipua nobilitas a magnitudine atq; sapore, adeo, ut denis sæpe aureis singulæ uænant, ipso præsertim uere quo maxime probantur: Neq; enim dum ieiunamus & frugi esse debemus, luxuria castigatur. Retulit Platina in culinariis suis duorum Cardinalium luxu, superbiaque certantium obsonatores centum aliquando argenteorum nummum uni Lampetræ pretium fecisse, quum in foro piscario ambitiosius contendendo eum piscem pertinaci, atq; insana profusione ueluti ad hastā licitarentur. Lampetram neoterici quasi a lambendis petris dictam putant, quam Græcis Galeum, Latinis uero Mustelam fuisse arbitramur. Eam Ennius poëta pretiosissimis æqualem facit, et Plinius bonitate Scaro proximā esse testatur, & Ambrosius gustu suauem uocat. Porro Galeorum  
plura



# C A P V T

plura sunt genera, ut apud Aristotelē, Athenæum  
Oppianumq; ac ipsum præsertim Galenum licet in  
tueri: dicitur enim piscis Mustela è Galeis, siue ex  
Mustelino genere, ut Theodorus Gaza passim in-  
terpretatur, prolem ore suscipere & rursus emit-  
tere, ut illam à piscium maleficorū iniuria tueatur.  
Cæterum Galenus in. 3. lib. de alimentis Philotimū  
reprehendit, qui Galeum in ordine duras habent-  
ium carnes collocabat, quum Galaxius sit is piscis  
è genere Galeorum, quē latini Mustelam appellāt,  
piscis inquit & mollis & apud Romanos gloriosus  
Neq; enim ille uetus pariter, ac ineptus Galeni in-  
terpres unq̄ pro Galeo Mustelā interpretatus est.  
Quod profecto Theodorus fecisset, qui semper no-  
minibus Græcis, pro uirili, latina uocabula reddere  
consuevit. Icesius pariter in lib. de materia, è gene-  
re Galeorum meliores & molliores Asterias ap-  
pellauit, ita ut fortasse putandum sit eum pro Aste-  
ria Lampetram innuere uoluisse, quod Lampetra  
quasi à maculis, quanq̄ obscurioribus stellata sit, et  
mollis & delicata. Inuenio quoq; nonnullos autho-  
res, qui paruum Murenā pro Lampetra intelli-  
gant, ut ait Athenæus autoritate Dorionis, apud  
quem fluuialis Murena, quæ marina sit, multo mi-  
nor Gallaria nuncupatur, quoniam unam tantū ha-  
beat Spinam. Potest quoq; accidere, ut idē sit Galla-  
ria



XXXIII.

ria Athenæi, & gloriosus Galaxius Galeni unius  
literæ commutatione: neq; mirum esse debet, quum  
utriusq; authoris Græci codices corruptissimi ha-  
beantur: Albertus quoq; magnus Lampetram, Mu-  
renam parvam appellauit, qui quanquã sit ineptus  
& barbarus, minime tamen hoc somniasse putan-  
dus est, quum ex ueterum potius commentariis labo-  
riosissime excerptis, q̃ a multo nobilioris ingenii  
acumine tot, tantâq; uolumina condiderit. Id uero  
me plurimum mouet, ut Galeũ pretiosum apud græ-  
cos, nostratem hanc Lampetram non esse existimẽ  
quoniam is Galeus qui Rhodi longe omnium deli-  
tissimus est, ab Archestrato in eo libro, quo uitam  
quærit Sardanapali, dicitur esse Accipenser, qui  
Plinio authore rarus inuentu est, & squamis ad os  
uersis conspicuus. Verum ipsi Græci infinita qua-  
dam nominum congerie Accipenserem appellant,  
ut q̃ modo Ellopem, modo Callionymum, modo An-  
thiam, & pulchrum, & Calichthyn, quem etiã mi-  
nistri cum tibiis coronati conuiuuiis inferrent, eum  
uocare consueuerint. Sed ut arbitrer Lampetram  
antiquitus fuisse Mustelam, Plinius apertissime su-  
adet, quum dicit in lacu Rhætiae Brigantino Mus-  
telam esse marinæ æmulam: Namq; is hodie lacus  
Hydrius est in Tridentinorũ finibus, qui proculdu-  
bio antiquitus fuit Brigantinus. Is emittit amnem  
Clisium



# C A P V T

Clisium in quo Lampetræ reperiuntur. Sebinus quoq; Brixianorum lacus Brigantino proximus, q hodie Hiseius dicitur & Ollium amnē emittit, ut plures eius accolæ mihi affirmarūt, aliquando Lampetras Etruscis ac Romanis specie, saporeq; simillimas præbuit. Neq; propterea dixit Plinius marinæ æmulam, quia captā mari intelligere uelit, marinæ enim sunt, quæ in Arno ac Tyberi capiuntur. Distant siquidē longo interuallo pulparū bonitate ab his, quas in alto mari expiscari aliquando solemus, quū subaridæ, agrestesq; sint, ita ut exprimere Plinius uoluerit Mustelas, quæ nunq; mare attigerint sapore commendandas dulcibus in aquis reperiri. Neq; enim Pliniū Lampetras paruas (quas Lampetroccias uocamus) Marinis comparare uoluisse credendū est: nam si de paruis intellexisset, ad Brigantinū ignobilē lacum & ipsis abstrusum in alpi bus minime fuisset recurrendū, quū uti supra diximus, tota Gallia Cisalpina in omnibus fluuiolis ac riuis copiosissime reperiantur. Vnde uero Lampetram antiqui Mustelam appellarint, incertum est. Verū ego piscē illum a longitudine, candoreq; uentris & a tergoris superioris subluteo colore (uti in quadrupedibus Mustelis uidemus) dictum esse putauerim. Fuere aliqui eruditiores nostræ tempestatis, q Lampetram apud Plinium Lumbricum fuisse



XXXIII.

isse crederent, quum in nono dicat : Duæ omnino sunt pinnae longis piscibus, ut Lumbricis & Anguillis & Congris, quum & Lampetrae sint longae et Lumbricis terrestribus certo confinio assimilentur. Verum locum ibi depravatū esse ostendit Alcyonius uir doctus, quum Plinius eadem uerba ab Aristotele mutuatus esse manifeste deprehendatur.

Verba autem Aristotelis haec sunt ex lib. i. de natura animalium: Quae autem in genere natantium pedibus carent, haec aut pinnis natant, ut pisces, quorum alii quaternas, bimas scilicet parte prona & bimas supina habent, ut Aurata, ut Lupus, Alii bimas tantum qui longi, leuesque sunt, ut Anguilla & Congri, aut nullas omnino habent, ut Murena, sed ita mari utuntur, ut terra serpentes, modoque simili repunt in humore. Theodorus autem uertit leuibus loco lubricis, quandoquidem in mendosam Plinii lectionem incidit, nec satis animaduertit, quo pacto castigare eam oporteret, ut librariorum uitio lubricis dictionem in Lumbricis addito, m, litera abiisse omnino credendum sit: Porro Hermolaus in castigationibus Plinianis nihil de Lumbricis disseruit, in corollario autem apud Dioscoridem, quum Mustelam nominaret, quis nam is piscis apud neotericos esset, cautissime subticuit, utpote qui de eo pisce nihil certi adhuc se comperisse meminerat. Quod si  
haec



# C A P V T

hæc nonnullis q̄ in explorata ueritate morosi sunt,  
 minime satisfecerint, operæpretium erit eos Lum-  
 brici nomen pro pisce apud aliquē idoneum autho-  
 rem reperire, quod certe nunquā (nisi fallimur) uel  
 acuratiſſima lectione poterit inueniri: At ſi lumbrici  
 erit piscis, qui Lampetra dicitur, testimonio ali-  
 cuius fortasse authoris ab inferis reuocati, quis de-  
 mum contra piscis erit ipsa Mustela ab antiquis  
 tantopere celebrata? quum nullus fere sit piscis pa-  
 lato gratiſſimus, cui suum nomen, idemq; antiquum  
 non reddiderimus. Lāpetræ igitur ſuauiſſimæ sunt  
 Martio tamen Apriliq; mensibus tantum: nam in-  
 cipiente æſtate durescit neruus interior, qui illis  
 pro ſpina eſt: cæterum delicatiore quodam condi-  
 mento multo maiorem, q̄ ab ipsis pulpis, nobilitatem  
 accipiunt. Necare enim eam in Cretico uino ſolēt,  
 eiq; myristica nuce os claudere, & foramina illa to-  
 tidem Cariophyllis adimplere, in teganoq; conuolu-  
 tam in ſpiras additis auellanis tritis, medulla panis  
 oleo, uino cretico, aromatibusq; ad temperatioreſ  
 prunas, certis momentis ſedulo excoquere, quo con-  
 dimento Leo. X. in minore fortuna, ioci cauſa, ut  
 conuiuium exhilararet, Marianū Cucullatum ſal-  
 ſum & ridiculum hominem memorabili impoſtura  
 decepit: Namq; funem inſtar Lampetræ incoctum  
 multoq; illo iurulento immerſum grandi in patina  
 appoſuit



## XXXV.

apposuit, ut notam omnibus eius edacitatem, gulamq; eluderet, qui iam magna pultarii parte absumpta pseudolampetram aggressus diu, multumq; cum ea maxillis ac dentibus inhaerente colluctatus cachinnum cunctis tollentibus facetissime respondit, utinam sic mihi saepius illudatis, nam in hoc condimento non modo funes, sed & ipsas catenas, quibus insani uobis similes uinciuntur, & cum uoluptate quidem absumerem. Cæterum Lampetrarum pulpis nullam uim noxiam inesse putandū est, quando & duricie & lento pingui prorsus expoliatae sint, quibus maxime conditionibus pisces stomachis incommodi esse consueuerunt. Dicere autem eas ab occultiore potestate neruis aduersari, impudentis, uel scrupulosioris ingenii esse putamus.

## De Trocta. Caput. XXXV.

**Q**uid Trocta Romanis antiquitus fuerit, haud facile adfirmauerim, quando unus tantum ē Latinis Ambrosius, solusq; ex omnibus Græcis authoribus Aelianus Troctā nominarint, & id quidem admirandum est, quum omnium qui dulcibus in aquis generentur, hic piscis longe nobilissimus æquali cunctarum gentium iudicio censeatur, quamobrem in hoc præsertim pisce condonandam mihi ab eruditis ueniam existimo, si ingenuè me nondum eius uocabulum à ueteribus usurpatum

g

patum



## C A P V T

patum reperisse, minime inficiabor. Sed Troctam de Luporum genere fuisse apud antiquos crediderim, uti Moderatus Columella curiosos atq; oculos lectores admonere uidetur, quū Lupos sine macula piscinis includi posse asseueret, aliosq; esse Lupos dicat, qui Varii appellentur, ita ut Luporū alii sint sine macula, id est, marini, qui & amnes subeant alii Varii, hoc est, fluuiatiles qui dulcibus in aquis generentur, unde & Troctam ab aliquibus ingloriis authoribus Variū maiorē appellari uidemus: certe Trocta admodū uaria est nigricantibus maculis totū dorsum speciose pingentibus. Spigolæ uero unicolores potius atq; argenteæ esse uidentur, quanq̃ & ipsæ ueluti ad retinendam Lupini generis appellationē, sub atris punctis, sed minoribus et languidioribus, q̃ in Troctis uideamus, notatæ sint. Neq; enim arbitrandū est Columellam per Lupos traductos in Ciminum & Sabatinū lacus, uel Troctas uel Lutios intelligere uoluisse, superuacaneū enim fuisset Troctas indidisse, quarum maximā copiam suburbani amnes omni tēpore suggererent, ut ex Reatinis, Sublaqueanisq; & ex ipso Tyburtino Anicne quotidie uidemus. Præterea, neq; Romana luxuriæ neq; admirabilioris magnificentiæ fuisset, alios q̃ pelagios pisces illis in lacubus disseminasse: de marinis enim Columella loquebatur, &  
quidem



quidem nobilissimis, ut de Auratis & Murenis simul cū Lupis ipsis clare testatus est, quos tamē oēs deficiente paulatim eorū sobole, quum diu naturæ repugnare nequiverint, penitus interiisse manifeste uidemus. Improbūq; illud factum et dictum luxuriosum Philippi apud Cassinatē hospitem certissimam facit coniecturā, Lupum illū, quem ut insulsissimi saporis expuerat, & probro subinde fuerat persecutus, fuisse Troctam, quū in illis annibus Cassinatiū, Soranorū & Arpinatium Troctæ plurimum capiantur, quas Spigolis tyberinis pinguioribus minime cōparandas Philippus esse iudicabat Plinius quoq; aliquos Lupos a candore lanatos appellari dicit, & illud quidē proprie & erudite: nā Lupos, id est, Troctas in uniuersum secundum carnes rubescere, Spigolas autē pelagias pariter ac tyberinas insigni candore albicare clarissime constat Cæterū Troctam nō facile in Tyberi reperiēs, sicuti nec ipsam Spigolam aliis in annibus urbi propinquis. Cur autem solus Ælianus Troctam ampliore elogio celebrarit, propterea id accidisse putauerim, quod ille fuerit Prenestinus, apud quos Troctæ plurimæ subiectis in annibus capiantur. Quæ etiam ratione Diuum Ambrosium antistitem Mediolanensem, ueluti Larianis Troctis assuetum uulgato etiam tum eius piscis nomini inseruire

g 2      uoluisse



# C A P V T

uoluisse, credendum est. Sed Aelianus Troctam è genere marinorum facit, quæ cum Delphinis pugnare soleat, sic ut id nomen nostratæ Troctæ parū conuenire uideatur: eam dicit cōtinuos habere dentes & eos quidem incisorios, captamq; hamo nō retrocedere, sed continue sequi, ut eo deglutito, inferiusq; demisso lineam abrodat. propterea à piscatoribus hamos ansæ longioris fuisse excogitados, saltatrixq; ab eo Trocta appellatur, quod & nos hodie uidemus, nam eas aduersos amnes, uel è præruptissimis etiam cautibus decedentes incredibili impetu subire compertū est: ab Nare enim fluuio in Velinum lacū, qui hodie pedelucus est. stupenda uelocitate uolucrum modo ascendere creduntur, qui lacus ab altissimo montis uertice certis primo coarctatus angustis, & mox tota aquarum mole præcipitatus, nec subiectis quidē cautibus madefactis, ueluti è cœlo in ipsum profluentē Narem effunditur. Nos quoq; Troctas maiores audiui in Larii ripis lasciui excursu extremas arenæ margines aliquando ad iusti passus longitudinem prosulcasse. Troctæ longe omnium maximæ centum aliquādo librarū pondo Lario in lacu progignūtur, & quidem omni alio, uel marino etiam pisce sapidiores, præsertim si Maio mense & in Bresciæ torrentis ostio capiantur: mortuæ paucissimis horis summam  
illam



## XXXI.

illam saporis gratiam amittunt, quoniam ob pingue  
 illam teneritudinē q̄ ocissime computrescunt. Co-  
 quuntur concisæ in tabellas in lebetibus lapideis  
 torno fabricatis, simplici in aqua, multo sale indito  
 aliāq; subinde accersita condimenta penitus asper-  
 nantur. Musco enim quodam pruinae simili paulo  
 post sponte emisso, rubentes pulpæ protinus efflo-  
 rescunt, ita ut quū refrixerint multo gratiores esse  
 uideantur. Morus tamen nobilis parasitus, qui plu-  
 rima, eruditioraq; in obsoniis pulmenta cōmentus  
 est, Troctam cubitalem in præpinguis capi iure co-  
 quendam esse censebat, sicuti & Phasianū adultum  
 quē mediocriter in eodē capi iure elixare, ac demū  
 ad auertendam ariditatē, quæ torrendo concipe-  
 retur, omenti hædini reticulo multis Cariophylo-  
 rum clavis confixo inuolutū ad mitiorē prunarum  
 uaporem in ueru percoquere consuevit. Soleo ego  
 plerumq; mirari quosdam, qui ut sapientiores uide-  
 antur, Benacinum Carpionem, Padanum Silurum  
 & è mari plures pisces Larianis Troctis uel ante  
 ponere, uel exæquare solent, et itē Soranæ Troctæ  
 in eo genere principatum attribuant, quū maxime  
 fallantur: Neq; enim obsoniorū adeo imperitus esse  
 possum, ut temere de hac re iudicare sim existiman-  
 dus, quū ex supero, inferoq; mari, cunctisq; prope  
 totius Italiae lacubus ac fluminibus nobilissimos pi-



## C A P V T

scēs lautis sæpe conuiuīis gustauerim, et certa comparatione contulerim, sed fortasse euenit, ut hoīes ea maxime præbent esculenta, quibus à pueritia insueuerint, uti nobili accidit Florentino, qui quū in cœna Leonis Pontificis pelagit pisces uario discubentium iudicio certatim atq; impense laudarētur, extollatis, ut lubet, inquit, conuiuæ marinos pisces, ego certe Thrasymeniam Tincam conditā Leucophago, his uestris Triglis, Spigolis, et Rhombis prætulero: quod dictū ut insulsum, omnibus præ risu lachrymas excussit, & in prouerbiū paulopost receptum, authori, qui antea ignotus erat, maximā attulit claritatē. Assueuerat enim ille Tincæ pisci, q̄ a Florentinis mediterraneis hoībus sacri præsertim ieiunti tempore, in summo honore habetur. Troctæ pinguiore, ut sunt Larianæ, multo succo replere corpora, genitalemq; humorem copiose suggerere dicuntur, uti Auicena de omnibus prope piscibus, si recentes & calidi comedantur, uno edicto pronunciauit, ægris tamē euidentissime nocent, utpote quæ tarde, laboriosèq; in stomachis atterantur & secernantur. At fluuiales, quæ aduerso torrentiū impetu fatigantur, atq; occurrentibus inæqualium uadum petris illis castigatoria sumina & aridiusculas carnes ostendunt, Medici blandiores ægris apponere, commendareq; non dubitant. Quas etiam



## XXXVI.

etiam in paralyticorum cibariis magnopere laudauit ille Plinius, qui elegantē librum de morbis atq; remediis conscripsit. Fuit is proculdubio Plinio naturalis historiae scriptore & Plinio Cæcilio posterior, uocatusq; est Plinius Valerianus Medicus cuius marmoreum sepulchrum Comi, ubi Pliniorū familia floruit, in templo diui Proбини, aquæ sacræ labello suppositum & pulcherrimis incisum characteribus conspicitur.

## De Tinca Caput XXXVI.

**T**inca nomen nouitium & recens esse uidetur, quando eius piscis prisci authores uno excepto Ausonio, nusq; meminerint. Est tamen celebratus apud Ciceronem quidam facetus orator Placentinus cognomine Tinca, qui fortasse ab eo pisce sit cognominatus, quemadmodum Florentiæ Laurentius Medices senior, uti erat perurbanus, cuidam celebris familiæ cui se domi Tincam ingentem exquisita arte coctam falso iactanti, Tinca cognomen, quod illi postea fuit æternum, indiderit. Ego uero palustres hos pisces nullo in pretio apud antiquos fuisse putauerim, & propterea nullis literarū monumentis fuisse celebratos, neq; plurimū mouet Ausonius, qui Tincas & Lutios ignobilissimis piscibus adnumerauit, neq; eū uetera uo-

g 4 cabula



# C A P V T

cabula subditis nouitiis nominibus suppressere uolu  
 isse credendum est, quū cæteri omnes pisces ab eo  
 ueteri nomine celebrentur. Sed Tınca q̄q̄ plebeius  
 sit piscis, sicuti tota ferme Italia conspiciamus &  
 Ausonii quoq; testimonio notum est, quum dicit:  
 Virides uulgi solatia Tincas, aliquando tamen in  
 lautorū mensas uenit, & ex his Romæ præsertim  
 Marsicana e Fucino lacu, qui nunc Celanus dicitur.  
 Fucinianæ labrum inferius attritum habent,  
 quod eius generis inditium est, quippe quæ plurimū  
 saxoso eius in lacus uado uoluentur. Fert & lau  
 datissimas paruus ille lacus quartodecimo ab urbe  
 lapide apud Bacanam Syluam, quā Antonino Pio  
 notam itinerario esse uidemus, quibus nō modo ple  
 beii, sed splendidi etiam optimates sæpius uescantur  
 Nobilis ille inter aulæ procures longe omniū æta  
 tis nostræ popinalis lauticiæ studiosissimus, qui du  
 centa milia aureorū nummū, in uentrem se condi  
 disse aliquando gloriatus est. Tincas Bacanianas  
 autumnno captas, alio, laridoq; contritis, additisque  
 odoratis oleribus & multo aromate, in teganis ad  
 uaporē tepidioris furni felicissime percoquebat.  
 Fert & Tincas quanq̄ minores, sapore tamē mini  
 me contēnendo sanctæ Praxedis lacus, in Latii, Sa  
 binorumq; finibus, qui Regillus antiquitus fuit, illa  
 nobili deuictis Samnitibus pugna celebratus, sed eæ  
 cum



# XXXVII.

cum Rais & Squatinis, cæterisq; uilissimis piscibus apud Pantheon, ignobili foro infimis hoibus uenduntur. Platina in culinariis suis fœde lapsus est, quū Tincas antiquitus Mænas fuisse existimauit, quæ sine controuersia ii sunt pisces, qui Menuæ uel Giruli à Venetis appellantur, pisces inquam noti & Ciceronis auctoritate uilissimi. Cæterum medici Tincis omnibus uim quandam inesse ad progignendam febrem existimant, quoniam maxime in cænosis degant, & putrescentis limi sordibus uescantur. Verum eas scissas per dorsi longitudinem, pedumq; & manuum plantis applicatas ardentis febris feruoribus plurimū aduersari quidam putarūt ex secta Iudæorum, qui quanq̃ sordide admodū, & ridentibus aliis talia experirentur, aliquando tamē ipsis æstuantibus exoptata blandimenta feliciter attulisse comperti sunt.

## De Lutio Caput XXXVII.

**L**utius nusquam mari, ubiq; autem stagnis ac lacubus cū Tincis frequentissime reperitur, qua una ratione, qui eum antiquitus Lupum fuisse existimant, manifeste cōuincuntur. Ausonius quoq; Lutium nominat cum Tinca, quem tamen ab olido nidore ingratum mensis esse testatur, propterea nō facile diiudicauerim, an is sit qui Lutius ab Italis, à Gallis uero Brossettus dicitur, quoniam is inter

g 5     gratos



# C A P V T

gratos secundæ classis ipsorum fluuiialium, in Gal-  
lia belgica atq; Britania censeatur. Venditant eū  
omni tempore uiuum, innatantemq; ligneis uiuariis  
Britani, uentremq; illis ultro cultris aperiant ad  
ostentandam eorū pinguedinē, quæ plagis exprimi  
tur, ut emptores aspectu suminis alliciantur, neque  
refutati propterea cōmoriuntur, cōcūnt enim pro-  
tinus patentia uulnera Tincarum contactu, quod  
earū tenaci illuue, ueluti glutinoso medicamine so-  
lidentur. Thrasymenus lacus eius generis longe ma-  
ximos, atq; optimos nutrit, bicubitales .n. aliquādo  
excessere magnitudinē, post Thrasymenios ē Cimi-  
no, qui hodie Rusillonis lacus dicitur (fuit is uicus  
antiquitus Rus Syllanum) laudatiores Romæ ha-  
bentur: Nam quos præbet Bracciani lacus, q olim  
Sabatinus fuit, & sapore & magnitudine sunt in-  
feriores. Effigiem Lutii quum de Lupo ageretur,  
adamussim expressimus, ita ut posteri, quem ego pi-  
scem Lutium nominarim, minime sint dubitaturi,  
hic piscis admodū salubris omniū medicorū iudicio  
putatur. Cæterum ab insulsa quadam pulparū sicc-  
itate nullam unq̃ in optimatum mensis laudē uel  
commendationē adeptus est: ita ut ii nostrates Lu-  
tii cū Gallicis dignitate minime sint comparandi,  
& te, tuosq; cōuiuas lautissime Ludouice aliquādo  
deceperint, quū obsonatores Galli incomperto ad-  
huc



# XXXVIII.

huc agresti illorum sapore dum emerent, sola pro-  
ceritatis specie ducerentur, non enim maximi semp  
optimi, nam in omni genere piscium media ætas,  
quæ nondum summam magnitudinẽ impleuit Cor  
nelii Celsi autoritate commendatur. Cæterum  
Lutiorum mandibulæ tostæ, in pulueremq; reda-  
Etæ, si aurei pondere cum uino sumantur, in uesica  
& renibus calculos frangere consueuerunt.

De Rayna siue Burbaro

## Caput XXXVIII.

**A**lunt singuli Italiae lacus suos pisces, qui  
cæteris eius generis antefruntur: Nam sicut in arboribus, cæterisq; animalibus uidemus, sic  
& in ipsis aquatilibus contingit, ut aliæ, atq; aliæ  
aquæ diuersis piscibus occultiore quadam propri-  
etate, uel à terreno, uel à pastione, uel ab ipso de-  
mum cælo prorsus accersita, non solum ad maiore  
corporis amplitudinem, sed etiam ad ipsam saporis  
felicitatem plurimum conferre uideantur. Proba-  
re etenim ficus è Liguria solemus, Etrusca persica  
Vesuuinas uuas, a Clodia fossa, Padisq; ostiis melo-  
pepones, Appulas amygdalas, Campana malagra-  
nata, Picentes oliuas, è Romano agro poma apia, è  
Sabino pira mustea, Tarētinas iuglādes, Castaneas  
è Clauēna Ræticiis proxia alpibus, Nursina rapa  
& ex



## C A P V T

& ex Umbria expetita Romæ terræ tubera, ex ani-  
 mantibus itē boues Insubres, iuuenas Romanas  
 Tuscos apros, uitulas Surentinas, hœdos Umbros,  
 Arietes Pistorienses, gallinas Patauinas & co-  
 lumbas Interamnenſes à magnitudine ſaporemq; plu-  
 rimū commēdamus. Larius igitur lacus ob longitu-  
 dinē a Virgilio maximus nuncupatus, piſces longe  
 omnium maximos gignit, Troctas centum aliquādo  
 librarū pondere & Burbaros ducētārum: Sed Bur-  
 bari illi ingentes uideri potius liquidis ac perſpi-  
 cuis in undis q̄ capi retibus poſſunt, quum ea impo-  
 tenti impetu plerumq; dilacerent, ſubeunt ſolſtitii  
 diebus umbroſos ſpecus, in rupibus Licinianis, quæ  
 ſunt in aduerſa Larii ripa contra Inſulā, Euripūq;  
 illum gemmeum à Cæcilio Plinio celebratum. Eos  
 induſtrius quidam ſacerdos ſagittis arcubaliſta e-  
 miſſis, quum in profundo quieſcentes fuſcinis atq;  
 tridentibus attingi non poſſent, uulnerare conaba-  
 tur, neq; tamē ſagittæ longo alligatæ funiculo, niſi  
 auerſis officiebant, quum illa ſquamarum ſerie tho-  
 racati earum ictus facile repellerent. Sunt & in  
 Mantuano lacu, qui reſtagnante Mincio amne la-  
 te diffunditur, Barbari piſces ſapore longe optimi  
 Nam Lariani ſola magnitudine ſunt inſignes, ra-  
 ro ii bipedalem excedere magnitudinē ſolent, lati  
 ſunt & ingentiū, ſubauratarum ſquamarū ſpecie,  
rotun



# XXXVIII.

rotundoq; item labro auri colorem referente, pinonisq; pariter subcroceis, longe pulcherrimi: eos Veneti Raynas, ipsi uero Ticinenses, Placentiniq; & ceteri Padi accolæ Carpenas appellant. Humidiores carnes, sed tamen innoxias habent, quod non tenaci, sed aqueo potius humore abundant.

Lingua autem maxime ualere dicuntur, nam & sapore præstat, & uim habet augendæ Veneris, sicuti in Tincarium & Anatum linguis experimur.

De Polypo, Sæpia, & Loligine.

## Caput XXXVIII.

**P**Ræter squamosos pisces, & lubricos & planos, est etiam mollium genus. sic dictum, quoniam ad tactum molle sentiatur, ut sunt Polypi, Loligines, & Sæpiæ. Constat Polypus corpore admodum paruo, & in medio ad emittendam aquam fistulato, quod pluribus brachiis, & crinibus instruitur, quibus uti est omnium ferme piscium solertissimus, obuia quæq; comprehendit, ligat, inuoluit, atq; flagellat, & ipsis deniq; ostreis siliceo tegumento egregie munitis insidias molitur. Sunt enim ei cirri multiplices, plurima in extremis prætenturis acceptacula, itemq; frequētes pediculi, manusq; plicatiles, quibus admiranda facinora dum uenatur, edere consuevit: hiantibus siquidem conchis lapillum imponit, ut illis sese occludendi facultatem eripiat

Leonem



## C A P V T

Leonem, qui ualidam Murenā chelarum forcipibus necat, cirris inuoluit, complexumq; sugendo paulatim interimit. Repit quoq; frequenter in terram, oleas ascendit, & in ædificia aliquando transgreditur. Refert Plinius Polypum insignis audaciæ, ac magnitudinis in cetariis Hispaniæ irreposse noctu ad lacus ligneos, salsamentaq; exedere, & populari consueuisse, ad extreum præfectis fures obseruantibus, latratu canum deprehensum, expugnatumq; totius familiæ concursu, atq; ægre telis ac tridentibus fuisse confectū, cuius cadauer ad insignis pugnæ memoriā Trebius Niger proconsuli L. Lucullo transmiserit. Polypus ultra bimātū non uiuit, quē expirare in Venere aliqui prodiderunt. Caput eorum chartilagine constat, quæ celeriter durefcit, immaturamq; illis senectam adferre solet. Carnes Polyporum Galeni atq; Athenæi auctoritate duræ sunt, & difficillime digestionis. Si uero concoquantur, nō omnino malum, aut exiguū præbent alimentum. Salsugine autem sua Veneris pruritum excitant, & mirifice languidis atq; defessis auxiliantur. Afferuntur Venetias ex Illyrici Dalmatiæq; ora sale inueterati, quorū acceptabula & extremitates cirrorum à senibus ad parandam sobolem expetuntur. Alexis poëta in Pamphila, ut citat Athenæus, quum incitamenta Veneris perscense



## XXXVIII.

cenferet, Bulbum, & Polypum ante alia celebravit  
 Plinius quoque ille, qui de medicina librum conscrip-  
 sit, ut alibi diximus, Polypos cardiacis conferre  
 arbitratus est. Sæpia autem & Loligo in hoc diffe-  
 runt, quod Sæpia latior, Loligo longior est: hæc ru-  
 brum, illa nigrum in timore liquorem emittit. Inest  
 Loligini, quæ hodie Calamarium dicitur, gladiolus  
 perspicuus & Chrystallo persimilis: Sæpia autem  
 corpulentiam quandam habet inter spinam & os me-  
 diam naturæ fungosæ atque friabilis. Vtrique sicuti et  
 in Polypo, sunt barbæ, crines, & acceptabula, sed  
 aliquanto breviora, quibus escam corripunt: corpo-  
 rum uero alvei aliquanto capaciores quam in Polypis,  
 quod natura prolixioribus postea capillamentis in  
 Polypo compensarit. Sæpia, ut ait Athenæus in lib.  
 de medicina piscium, elixa uentri confert, succus  
 eius subtilem reddit sanguinem & mouet crasim p-  
 hæmorrhoidas. Oua autem eius authore Plinio urina  
 nam cient, renumque pituitas detrahunt. In uniuer-  
 sum uero mollium genus difficillime in stomachis con-  
 coquitur, si autem coquatur plenius nutrimentum  
 præbet. Qua ratione, ut ait Athenæus, Venerem ex-  
 citare dicuntur: nam in concoctionibus primis, quum  
 maxime laboratur, uentum plurimum generari ne-  
 cesse est, quo maxime uirilia inflectuntur, & Venus  
 ipsa uel in senibus quam languidula, reuiuiscat.

Nobis



## C A P V T

Nobis uero manifeste compertum est, quæcunq; obsonia ex mollibus piscibus conficiantur, in stomachis studiosorum, aut ociosorum ægerrime coqui, multaq; subinde incōmoda corporibus adferri, quoniam primæ digestionis uicia in hepatis, ac uenarū secretionibus recte corrigi non possunt, neq; sanguis ad idoneam puritatem elaborari, qua maxime de causa, Clementi Pontifici Maximo ex huiusmodi mollibus obsonia appetenti, in mensa palam totum eorum genus sæpissime sim detestatus.

De Locusta. Caput. XXXX.

**M**ollibus piscibus Crustacei succedunt, inter quos Locusta primam obtinet dignitatem, eam Aristoteli Carabum esse Theodorus existimauit. Oppianus autem pro Carabo Leonem intelligit, qui Theodoro sit Cammarus: nā ubi prælium Carabi cum Murena multis uersibus elegantissime describit, Carabus denticulato forcipe instructus exprimitur, quo Murenæ collum corripit. Cæterum sine controuersia Locusta est Carabus, quanq̃, ut ait Hermolaus, hæc nomina confundantur. Pedibus siquidem eius forcipes desunt, ut ait Aristoteles, Præterea Locustam corpore rubenti, aculeato & aspero esse constat, ut ex Suetonio etiam apparet, qui Tiberium ait, apud Capreas piscatori faciem Locusta perfricari iussisse, quod  
ille



ille à tergo insulæ per devia atq; aspera, ut Locustam dudum captam offerret, ad se improvisus erepsisset. Contra uero Cammarus, qui Leo apud Plinium est, uti etiam nunc uulgari appellatione nuncupamus, & forcipes habet pro manibus & corpore leui atq; cœruleo, multisq; subnigris maculis splendet, ut Aristoteles pulcherrime depinxit, & nos quotidie uidemus, quæ etiam Astacum appellauit Oppianus, nos uero Cammaros appellamus eos q̃ dulcibus in aquis reperiuntur, ad paruorū Leos num effigiē, qui dum coquuntur, protinus rubescūt Eorum maxima habetur copia in Gallia Cisalpina quæ est frequētibus amniculis irrigua. Sunt et Maiæ grandiores, rotundiore uentre, gressu in terra segnes, in aquis autē uelocissimæ, Veneti Granceuolas uocant, quarum rotundioribus testis specula includere ad elegantiam solent. Sunt & Paguri, Granciporri hodie nuncupati. Itē Squillæ, siue Chelis, quas Oppianus, cæteri q; omnes Græci Carides appellant, eas mirum in modū commēdauit Apitius in coquinario opere, Romani hodie Cammerugas & Pernocias uocant. Sunt qui arbitrentur Squillas esse id Cancrorum genus, quod Gibbum Aristoteles appellauit, uidentur enim Squillæ ad modum Gibbæ. Quid autem sit Squilla Iuuenali in carmine:

b      Aspice



# C A P V T

Aspice quam longo distendat pectore lancem  
Quæ fertur domino Squilla.

Ego putauero illum Crustaceorum nomina confuisse, uoluisseque intelligere pro Squilla Locustam, aut Leonem, qui dominis apponi consueuerint, per Cammaros autem illos scilicet paruos designasse, quod Locustarum ingentium collatione, ueluti minutili, ignobilioribus conuiuiis apponerentur, in uniuersum Crustacea ab ouis commendatiora sunt, pinguescereque solent pleniluniis: authore autem Galeno totum Crustatorum genus ob carniū duritiā difficillime concoquitur, salsumque humorē adgenerat, sed aliquanto mitiorē ipsis Testaceis, de quibus mox agemus. Cancri autem et Cancelli, qui caudam non habent, latoque corpore et ualde rotundo constant quique colore rufescunt, et appensi lineis apud sacellum Hadriani pontis uenundantur, Hecticis et lenta febre laborantibus mire conueniunt, quoniam humidum, leueque et ualde refrigerans alimentum præbent, præsertim si (uti præcipit Galenus) in aqua prædecocti magna ex parte salsuginē innatam exuerint: hunc Cancrum quod græce est Carcinus, si in patella uratur uiuus, sub canis syderis ortum, quum sol in Leonem Zodiaci transit, a rabido cane commorsus mirifice auxiliari Aesculapion Galeni præceptor affirmavit. Pelops autem Medicus Galeno et i-



## XLI.

etiam familiaris id a qualitate materiae ipsius Cancri, non autem a peculiari eius naturae proprietate provenire testatur, cuius opinionem nemo ferè secutus est. Sed Dioscorides intellexit de fluviatilibus Cancris, quos cum uite alba concrematos admista gentiana, rabie affectis prospere semper exhibuit.

De Ostreis & aliis Testaceis

### Caput XLI.

**E** Testaceorum genere Romae in pretio habentur Ostrea, Pectunculi, & Tellinae. Ostrea mittit Corsica. sed raro et saepe olida, quoniam aduersis tempestatibus impedita navigatione, uel praedonibus Mauris intercluso mari, non facile ad urbem perueniunt. Eae uero quae a Pisauri litore paucis ante annis afferebantur, extincta ueluti earum progenie penitus abierunt. Ostrea quum Romanae res magnitudinis atque luxuriae fastigium teneret, à Brundisio in Lucrinum lacum transportabatur quae ueluti ea peregrinatione gaudentes, adoptataeque dulcibus aquis mirifice pinguescebant.

Fuereque Ostrea adeo in honore ipsis gulae proceribus, ut in remotissimas a mari regiones ligneis lacubus apportarentur. Refert Athenaeus Apitium nobilem parasitum, qui superioris nomine appellari promeruit, uasis summa industria fabricatis ad Traianum in mediterraneis

b 2

Maso



# C A P V T

Mesopotamiae contra Parthos bellum gerentem recentissima Ostrea detulisse: ea maxime probantur, quae magnarum nauium carinis adhaerent, & ab urinatoribus de manu colliguntur. In uniuersum Ostrea, ut ait Galenus salsum humorē aggenerat, & praesertim si cruda comedantur, propterea tentionem in salacibus plurimū adaugent, aluū quoque ea mouere Plinius Medicus asserit, qui & eorum testas ambustas dissentericis prodesse, frixam uero eorum carnem a ueneno comesti Leporis marini liberare testatur. Plinii autem naturalis historiae scriptoris autoritate, stomachum reficiunt, fastidiis medentur, molliunt leniter aluum, tenasmonicos iuuant, & Veneris pruritus salugine sua uehementer incitant, coctaque in testis distillationibus prosunt. Affinē Ostreis Pectines siue Pectunculī, quos hodie Conchulas dicimus, naturam atque saporem habent. Sunt striatae & subrubra carne, & in Tarentino sinu laudatissimae, & grandiores quae auriti Pectines latine appellantur, unde Horatius dixit :

Pectinibus patulis iacet se molle Tarentum.

Sequuntur paruae illae Conchulae à ueteribus latinis Mytili, à Romanis autem hodie Graeco nomine Tellinae nuncupatae, quae bellariorum locum obtinent, sunt enim gratæ gustui, uerum arenulis sca-

tent



# XLI.

tent & propterea calculosis officiunt. Cinerem earum casum pilorum in palpebris prohibere Orisbadius affirmat. Sunt & alia Concharum genera prope infinita, ut Purpuræ, Buccinæ, Aures, Digi-  
ti, Vngues, Patellæ, Cochleæ, quæ consulto præ-  
terimus, quoniam suburbano in mari rarissime ca-  
pantur. Est & Echinus non ingratus principum  
mensis spinoso castaneæ tegumento assimilatus, cu-  
ius generis est Echinometra multo maior, in alto  
tantum mari progenitus, quem Aristoteles urinæ  
distillationibus efficacissime mederi testatus est,  
uenit & inter mensarum delicias Vertibula siue  
Vrtica, callus quidam ad magnitudinem iuglandis  
cuius durities, ut ait Aristoteles, media est, inter  
testam & corium, colore subpallido & rubenti, ea  
frequenter in Pyrgorum litore ad Centumcellas  
reperitur, quam sicuti palato iucundissimam, ita et  
stomachis minime insalubrem esse coniecimus.

## De Salsamentis Caput XLI.

**S**upere est ut de Salsamentis pauca attingamus,  
quæ adeo in honore apud Græcos fuerunt, ut  
Athenienses Chereptrili, qui salsamenta uendita-  
bat, filios in gratiam patris ciuitate donarint. Ro-  
mani quoque huic rei plurimum studuerunt, ut ex  
Plinio licet coniectari. Garum ante alia in pretio  
fuit, liquamen ex salitorum Scombrorū muria con-  
fectum

b 3

fectum



# CAPVT

fectum, quod in uarios culinæ usus ueniebat, conficiebatur optimum in Aphrica, quod sociorū quoq; appellatum est. Sed id hodie penitus exoleuit. Maxima nunc gratia est Cephalorum ouis, quæ geminis folliculis circuncisa parte suminis, recentibus Cephalis eximūtur, quæ Græco nomine passim Oa Taricha, id est, salita nuncupantur. Secundum Oa Taricha eminet Caviarium, quod ex Sturionū ouis in Ponto conficitur, ita ut salita in massam ingentem cogantur, & cadis includantur, cruda ea comedimus, uel in panis crustulis ad prunas ustulatis, modico enim igne salsamēta in uniuersum indigēt, authoritate Athenæi, qui quum de celeriter factis loquimur, in prouerbium cessisse ait, citius q̄ salsamenta coquantur, sicuti de Asparagis latini usurparunt. Caviaria Iulio secundo pontifici maximo mirifice placuerunt, quod deiectum ei ciborum gustum sæpius alleuassent, & siti, uinisq; pariter, ut in senibus accidit, mire lenocinari uiderētur. Sunt etiam in summa commendatione ex ipsis Sturionū pulpis Spinalia, sic uulgo nuncupata, quæ laricinis lignis assimilantur. Laudant & Moronem, ignoti nobis piscis prædura frustra, ualdeq; rubentia, quæ Mæotidis paludis accolæ mercimonii causa transmittunt, ea prius exedi commode non possunt, nisi aquæ calidæ perfusionē molliantur. Sardæ quæ Plinio

nio



XLII.

nio, Theodoroq; sunt Trichia, itemq; quæ uocantur uulgo Aleces aliquanto Sardis minores, in magno usu, alendis familiis existunt. Sunt ii digitales pisciculi, qui longe optimi in Liguria saliantur: eos aliqui Apuas esse uoluerunt, quæ autoritate omnium fere antiquorum ex limo fiunt, & in magna copia apud Pyreum Athenarum portum capiuntur. Ex Cimbricis quoq; litoribus Aringhæ, pedales pisces in cratibus sale ac fumo inueterati nobis afferuntur, quibus Hermolaus cum eas citaret proprium nomen non indidit, utpote qui Alecis uocabulum ab illis gentibus usurpatum nō probabat. Adducuntur quoq; ex finibus Gothiæ, atq; Noruegiæ cubitales Merlucciæ, adeo duræ et extantæ, ut fustibus assimilantur, quas in delitiis Germanorum, qui urbem incolunt, esse uidemus. Sed Thynnus præcipue fora omnia & tabernæ salsamentariorum replentur, de quibus late in proprio capite disseruimus. Salmones etiam Gallia Belgica quotannis mittit, sed in plebis usum, quum saliti pristinam nobilitatem amittant. Cæterum ex salitis palmam, omnium confessione ætate nostra obtinent Carpiones ex Benaco lacu, qui subfrixi modice saliantur, referunt ii Troctarum saporem, atq; ipsam corporis speciem, nam & pulpæ eorum rufescent & argentea tergora uariis punctis depinguntur

b 4

guntur



## CAPVT XLI.

guntur. Sed quæ in Troctis nigra sunt, in Carpio-  
onibus rubra conspiciamus, ita ut is piscis, qui Auso-  
nio Salar uocatus est, proculdubio esse uideatur,  
quum in Mosella dicit :

Purpureisq; Salar stellatus tergora guttis.

Nullibi q̄ in Benaco ex omni Italia Carpiones gig-  
nuntur, propterea factum esse crediderim, ut anti-  
qui qui de piscibus scripserunt, ueluti de ignoto pi-  
sce potius q̄ de ignobili nullam fecerint mentionē.

Porro omnis generis Salsamenta sanguinem infla-  
mant, bilem augent, & stranguriis obsunt: his uero

qui multa insulsa pituita repletum habent

stomachum, siccando, detrahendoq; au-

xiliantur, immoderate uero his uten-

tes, uel etiā senes ipsos uehemen-

ter ad Venerem incitare

pleriq; authores tra-

diderunt.

## FINIS.



# ANTIQUA ET RECEN

tiora nomina Piscium marinarum,  
Lacustrium, & Fluuiatilium,  
que in Iouii commenta  
riis continentur.

Achantia	cap.xxvii.	Albores	cap.xiii.
Acipenser	ca.i.et.xxxiiii	Aleces	ca.xlii.
Acon	cap.xvii.	Aringha	ca.xlii.
Acus	cap.xxxii.	B	
Alec	cap.xviii.	Bacchi	cap.x.
Alofa	cap.xvii.	Banchus	cap.xx.
Alutarius	cap.xiii.et	Bellona	ca.xxxii.
	xvii.	Bos	ca.iii.
Amia	cap.vii.	Boca	ca.xix et.xxi.
Anguilla	ca.xxxiii.	Bruccus	ca.xxviii.
Anthia	ca.xxxiiii.	Buccina	ca.xli.
Apua	cap.xxi.	Buglossus	ca.xxvi.
Araneus	ca.iiii.	Bulbus	ca.xxxviii.
Astacus cancer	ca.v.	Burbarus	ca.xxxviii.
Asellus	ca.xx.	Barbus	cap.xvi.
Attilus	cap.iiii.	Battipota	ca.xxviii.
Atricilla	ca.xxiiii.	Botetrissa	ca.xxii.
Aurata	ca.xi.et.xix	Brossettus	ca.xxxvii.
Aures	cap.xli.	C	
Adelus	ca.iiii.et.v.	Callaria	cap.xx.
		b 5	Callio



<i>Callionymus</i>	ca. xxxiiii.	<i>Cordylla</i>	ca. vi.
<i>Calichtys</i>	ca. xxxiiii.	<i>Coruus</i>	ca. viii.
<i>Cammarus</i>	cap. xl.	<i>Coracinus</i>	ca. viii.
<i>Cammarugia</i>	ca. xl.	<i>Cothona</i>	ca. xxii.
<i>Canicula</i>	ca. iii.	<i>Capidolius</i>	ca. ii.
<i>Cancrus</i>	ca. xl.	<i>Capo</i>	ca. xvi.
<i>Cancellus</i>	ca. xl.	<i>Carpaena</i>	ca. xxxviii.
<i>Capito</i>	ca. x. et. xvi.	<i>Carpio</i>	cap. xxxv.
<i>Caulinus</i>	ca. xxii.		et. xlii.
<i>Carabus</i>	ca. xl.	<i>Cauiarium</i>	cap. iiii. et
<i>Carcinus</i>	ca. xi.		xli.
<i>Centrina</i>	ca. vii.	<i>Citula</i>	ca. xxvii.
<i>Cephalus</i>	ca. x.	<i>Columbus</i>	ca. xxvii.
<i>Cestris</i>	ca. x.	D	
<i>Carcharia</i>	ca. iiii.	<i>Delphinus</i>	ca. iiii.
<i>Carides</i>	cap. xl.	<i>Dentix</i>	ca. xii.
<i>Charax</i>	ca. xii.	<i>Digit</i>	ca. xli.
<i>Chalchis</i>	ca. xxvii.	E	
<i>Chelones</i>	ca. x.	<i>Elops</i>	ca. xxxiiii.
<i>Cytharus</i>	ca. xvi. xxi	<i>Esos</i>	ca. iiii.
	et. xxvii.	F	
<i>Cittulus</i>	ca. xxi. xxvii.	<i>Faber</i>	ca. viii.
<i>Clupea</i>	ca. i. xvii	<i>Flator</i>	ca. ii.
<i>Coccyges</i>	ca. xx.	<i>Fici</i>	ca. xx.
<i>Cochlea</i>	ca. xli.	<i>Foterisia</i>	ca. xxviii.
<i>Conger</i>	ca. xxx	<i>Fragolini</i>	ca. xiii.
<i>Conchula</i>	ca. xli.	<i>Frictura</i>	ca. xix.
		<i>Galeus</i>	



<b>G</b>		Lingulaca	ca.xxvi.
Galeus	ca.xxvii.xxxiiii	Limaria	ca.vi.
Gallaria	ca.xxxi.et.	Locusta	ca.xl.
	xxxiiii.	Loligo	ca.xxxvi.
Gallazius	ca.xxxiiii.	Lopida	ca.vii.
Galeotes	ca.iiii.	Lumbricus	ca.xxxiiii.
Glaucus	ca.xx.	Lupus	cap.iiii.ix.
Garum	ca.xviii.xl.		xi.xxxv.
Gobio	ca.xxii.	Lutius	ca.iiii.xxxv
Gobius	ca.xxii.		xxxvii.
Graciporrus	ca.xl.	Laccia	ca.xvii.
Girulus	ca.xxxvi.	Lacertus	ca.xix.
Granceuola	ca.xl.	Lampetra	ca.xxxiiii.
		Lupacius	ca.iiii.
<b>H</b>		<b>M</b>	
Hycca	ca.iiii.	Melandria	ca.vi.
<b>I</b>		Melanurus	ca.xxiiii.
Iulida	ca.iiii.	Mæna	ca.xxiiii.
Iecimores	ca.xiii.	Mæmela	ca.xxiiii.
Ioctius	ca.xvii.	Merula	cap.xx.
<b>L</b>		Myxinus	ca.x.
Labeo	ca.x.	Mugil	ca.x.
Lamiz	ca.iiii.	Muco	ca.x.
Lechia	ca.vii.	Mulus	ca. ix. et
Leo	ca.xl.		xviii.
Lepus	ca.xviii.	Mulus barbatus, & bar	
Leuchistus	cap.x.xvi.	batulus	ca.xvi.
	et.xvii.		Murus



Murus	ca. xxxi.	Pectunculi	ca. xli
Murena	cap. xi.	Pectines	cap. xli
Murena parua	capite xxxiiii.	Perca	ca. xxliii.
Mustela	ca. xxxliii.	Pernocia	ca. xl.
Merluzus	ca. xx.	Phagri	ca. xlii
Merlucia	cap. i.	Physiter	cap. ii.
Moro	ca. xlii.	Phycides	ca. xx.
N		Phocena	ca. liii.
Nigricauda	cap. xxliii.	Pigus	cap. i.
O		Piscis S. Petri	ca. xxvii.
Oa Taricha	cap. xlii.	Polypus	ca. xxxix.
Oculata	cap. xxliii.	Pompilius	ca. vi. et. xxi
Orca	cap. ii.	Psammatis	cap. liii.
Orcynus	ca. vi.	Psammitis	cap. liii.
Orphus	cap. xvi	Psitta	cap. xxv.
Ostrea	cap. xli.	Purpuræ	cap. xli.
Ochialis	ca. xxliii	Passer	ca. xxv.
Oculatella	ca. xxviii.	Percecus	ca. xxliii.
Organus	ca. xvi.	Porcellus	cap. liii.
P		Porcelleta	ca. liii.
		R	
Pagri	cap. xlii.	Raia	ca. xxix.
Pagurus	cap. xl.	Raphis	ca. xxxii
Palamia	ca. vi.	Rhinobates	ca. xxix
Patellæ	ca. xli.	Rota	ca. ii.
Passer	ca. xxliii.	Rhombus	ca. xxv.
Pastinaca	ca. xxviii.	Rayna	ca. xxxviii
		Roscettus	




Roscettus	cap. xvi.	Sturio	cap. xlii.
S		Stella	ca. iiii.
Salpa	cap. xliii.	Sulius	ca. vii.
Salsamenta	ca. xlii.		ca. iiii.
Saperda	ca. viii.	T	
Sargus	cap. xv.	Tarantellum	ca. vi.
Saurus	ca. xix.	Tellina	cap. xli.
Salar	ca. xlii.	Thynnus	ca. vi. et. xlii.
Salmon	cap. xlii.	Thriffa	ca. xvii.
Sardæ	ca. xlii.	Timca	cap. xxxvi.
Scarus	ca. i. et. xi.	Tomus Thurianus	cap. iiii.
Scylla	ca. iiii.	Torsio	ca. iiii.
Sciena	ca. v.	Torpedo	ca. xxvii.
Sciurus	ca. xxi.	Trachurus	ca. xix.
Scombrus	ca. xix.	Trachina	ca. xix.
Scorpio	ca. xxiii.	Trachida	ca. xix.
Scorpena	ca. xxiii.	Trigon	cap. xxix.
Sæpia	cap. xxxix.	Trigla	cap. xviii.
Silurus	ca. iiii.		xix. et. xxi.
Synodon	ca. xii.	Trichiæ	ca. iiii. et. xi.
Solea	cap. xxiiii.	Turdus	cap. xx.
	xxv. et. xxvi.	Turtur	cap. xxix.
Squilla	cap. xl.	Trocta	cap. ix. et.
Squatina	ca. xxix.		xxxv.
Squatraria	ca. xxix.	V	
Schimalia	cap. iiii.	Varius	cap. ix.
Spigola	ca. iiii. et. ix.	Vertibu	




Vertibula	ca	V	cap.v.
Vmbra	ca.v.	X	
Vngues	ca.xli.	Xyphius	ca.iii.vi.
Vrtica	ca.xli.	Z	
Varollus	capite. iiii.	Zaphirus	ca.xi.
	et.ix.	Zeus	cap.viii.









2  
—  
F



